



C40-4541



B 64853

勅修百丈清規

禮部尚書臣胡濶等謹

題爲重刊清規事禮科抄出江西南昌府奉新縣  
百丈山大智壽聖禪寺住持僧忠智奏本寺自  
唐時佛祖大智懷海禪師垂訓名曰百丈清規  
至元間僧德輝重新編刊遍行天下叢林僧徒  
循規遵守洪武拾伍年肆月貳拾伍日節該奉  
太祖高皇帝聖旨榜例諸山僧人不入清規者以法  
繩之欽此欽遵永樂拾年伍月初三日節該奉  
太宗文皇帝聖旨榜例僧人務要遵依

舊制各務祖風謹守清規嚴潔身心永樂二十二年  
十一月二十七日該僧錄司官奏僧衆多中間  
有等不守規矩合無依清規料治他欽此除欽遵外  
仁宗昭皇帝聖旨照依清規料治他欽此除欽遵外  
近因本寺清規書板年遠無存欽蒙  
皇上洪恩普度天下僧行仍住原額寺院熏修香火  
祝延

聖壽臣切見後學僧徒多有未見清規體例因知軌  
度不諳戒律甚辱祖風深爲未便臣依原體式  
重寫刊完雖有歷朝序文年代已遠誠恐僧徒

視爲常事不行遵守今將重刊清規印集一本  
開坐具本親齋謹 奏伏望

聖恩憐憫教門乞

勅賜清規序文刊圓成書

頒行天下叢林寺院住持首僧督衆講習各慕  
祖風嚴持戒律庶俾僧徒無傷風化正統七年  
二月十二日該通政使司右通政李錫等官於  
奉天門奏奉

聖旨禮部知道欽此欽遵抄出到部叅照住持僧忠  
智奏稱重刊百丈清規乞

賜序文一節合無行移翰林院撰述惟復聽令本僧  
自行請人述作緣奉

欽依禮部知道事理未敢擅便謹題請  
旨正統七年二月十九日禮部尚書胡濱等官於

奉天門題奏奉

聖旨序着翰林院撰欽此除外遵依施行

正統七年四月十七日

長生天氣力裏

大福廕護助裏

皇帝聖旨行中書省行御史臺行宣政院官人每根

底宣慰司廉訪司官人每根底軍官每根底軍  
人每根底城子裏達魯花赤官人每根底往來  
的使臣每根底百姓每根底衆和尚每根底  
宣諭的

聖旨

成吉思皇帝

月闕台皇帝

薩禪皇帝

完者篤皇帝

曲律皇帝

普顏篤皇帝

格堅皇帝

忽都篤皇帝 札牙篤皇帝

亦輦真班皇帝聖旨裏和尚也里可溫先生每不揀甚麼差發休當告

天祝壽者麼道說有來如今依著在先

聖旨體例裏不揀甚麼差發休當告

天與

咱每祝壽者麼道

札牙篤皇帝教起蓋大龍翔集慶寺的時分依著清規體例行者麼道曾行

聖旨有來江西龍興路百丈大智覺照禪師在先立

來的清規體例近年以來各寺裏將那清規體例增減不一了有如今教百丈山大智壽聖禪寺住持德輝長老重新編了教大龍翔集慶寺笑隱長老爲頭揀選有本事的和尚好生校正歸一者將那各寺裏增減來的不一的清規休教行依著這校正歸一的清規體例定體行者麼道執把的

聖旨與了也這的每寺院房舍裏使臣每休安下者鋪馬祇應休拿者稅糧休納者但屬寺家水土園林人口頭疋碾磨店鋪解典庫浴堂竹園山

場河泊船隻等不揀是誰休奪要者休倚氣力者這般。

宣諭了呵別了的人每要罪過者更這的每有聖旨麼道做沒體例勾當呵他每更不怕那

聖旨

元統二年猪兒年七月十八日上都有時分寫來

皇帝聖旨裏

帝師公哥兒監藏班藏卜法旨行中書省行御史臺行宣政院官人每根底宣慰司廉訪司官人每根底軍官每根底軍人每根底城子裏達魯花赤官人每根底往來使臣每根底本地面官人每根底百姓每根底衆和尚每根底省諭的

法旨

札牙篤皇帝蓋大龍翔集慶寺的時分教依着百丈

清規體例行了

聖旨有來這清規是百丈大智覺照禪師五百年前立來的如今

上位加與弘宗妙行師號更爲各寺裏近年將那清

規增減不一教百丈山德輝長老重新編了教  
龍翔寺笑隱長老校正歸一定體行的執把

聖旨與了也

皇帝爲教門的上頭教依着這校正歸一的清規體  
例定體行者麼道是要天下衆和尚每得濟的一般  
衆和尚每體著

皇帝聖心興隆

三寶好生遵守清規修行辦道專與

上位祈

福祝

壽報答

聖恩弘揚

佛法者不揀是誰休別了者見了

法旨別了的人每不怕那甚麼

法旨

鼠兒年四月十一日大都大寺裏有時分寫來

皇帝聖旨裏行宣政院准

宣政院咨據僧子仲狀告係江西道龍興路百  
丈山大智壽聖禪寺知事僧元統三年七月十  
八日本寺住持德輝長老欽受

御寶

聖旨節該江西龍興路百丈大智覺照禪師在先立來的清規體例近年以來各寺裏將那清規體例增減不一了有如今教百丈山大智壽聖禪寺住持德輝長老重新編了教大龍翔集慶寺笑隱長老爲頭揀選有本事的和尚好生校正歸一者將那各寺裏增減來的不一的清規休教行依著這校正歸一的清規體例定體行者麼道執把的

聖旨與了也欽此除欽遵外緣係各省開讀事理欽

錄

聖旨全文連前告乞施行得此照得元祐三年五月

初七日阿察赤怯薛第二日三吉怛

納鉢裏有時分對脫別台平章闊兒吉思平章阿魯灰院使舉里學士等不蘭笑大司徒根底撒  
迪中丞傳奉

聖旨江西龍興路裏有的百丈大智覺照禪師在先立來的清規體例近年各寺裏將那清規體例增減了有如今教百丈寺裏住持德輝長老重新編了教大龍翔集慶寺笑隱長老爲頭揀選

有本事的和尚好生校正歸一與定體執把行的

聖旨更百丈大智覺照禪師根底加與弘宗妙行師  
號宣政院行文書與詞頭

宣命者麼道

聖旨了也欽此除詞頭

宣命具呈

中書省照詳外據

聖旨移付蒙古房就行翰林院欽依

頒降外今據見告當院除外欽錄

聖旨全文在前合行咨請照驗遍行合屬欽依施行  
准此除外欽錄全文在前使院合下仰照驗欽  
依施行須議劄付者

右劄付百丈山大智壽聖禪寺德輝長老准  
此

蒙古字一行

至元二年月日

至元二年正月

蒙古汗之旨

批

吉隆朴百丈山大智壽禪寺住持臣僧德輝奉勅修

御制詩序

詩

御制詩序代大智壽全文并請要刻合下仰照

請旨全文並請合併存焉勿刪勿變遵旨令書送朴百丈

勅修百丈清規目錄

大智壽聖禪寺住持臣僧德輝奉勅重編  
大龍翔集慶寺住持臣僧大訴奉勅校正

卷上

祝釐章第一

聖節 景命四齋日祝讚

旦望藏殿祝讚 每日祝讚

千秋節 善月

報恩章第二

國忌



當晚小叅

管侍專使

爲建寺檀越陞座

留請兩序

報謝出入

受兩序勤舊煎點

交割砧基什物

爲建寺檀越陞座

## 退院

## 遷化

入龕

請來同執事

請主喪

孝服

掛真舉哀奠茶湯

對靈小參奠茶湯念誦致祭

茶毘

祭次

出喪掛真奠茶湯

全身入塔

靈骨入塔

掛真舉哀奠茶湯

對靈小參奠茶湯念誦致祭

茶毘

祭次

出喪掛真奠茶湯

全身入塔

靈骨入塔

## 議舉住持

## 卷下

### 兩序章第六

#### 西序頭首

前堂首座

書記

後堂首座

知藏

知客

知殿

知浴

衣鉢侍者

聖僧侍者

等者

湯藥侍者

都監事

典座

維那

盧歲

副寺

#### 列職雜務

春元

壽堂主

淨頭

察主副寮

化主

炭頭

閑主

水頭

諸莊監收

莊主

請立僧首座

請名德首座

兩序進退

掛鉢時請知事

侍者進退

寮舍交割什物

方丈特爲新舊兩序湯

堂司特爲新舊侍者湯茶

庫司特爲新舊兩序湯礮

堂司送舊首座都寺鉢位

方丈管待新舊兩序 方丈特爲新首座茶

新首座特爲後堂大衆茶

住持垂訪頭首點茶

兩序交代茶

頭首就僧堂點茶

大衆章第七

沙彌得度

新戒叅堂

登壇受戒

護戒

辨道具

三衣  
鉢  
淨瓶

盥水囊

錫杖  
主杖

拂子  
裙

直裰  
數珠

裝包

遊方叅請

大相看

大掛搭歸堂

小相搭歸堂  
諸方名勝掛搭

西堂首座掛搭  
法眷辦事掛搭

拋香相看

謝掛搭

方丈特爲新掛搭茶

庫司頭首附見

坐禪

坐禪儀

坐參

大坐參

請益

赴齋粥

赴茶湯

普請

日用軌範

龜鏡文

病僧念誦

亡僧

抄劄衣鉢  
請佛事

版帳式

佑衣  
荼毗  
唱衣  
入塔

節臘章第八

夏前出草單

新掛搭人點入寮茶

出圖帳

衆寮結解特爲衆湯

附建散  
楞嚴會

方丈小座湯

戒臘牌

庫司四節特爲首座大衆湯

結制禮儀

四節秉拂

方丈四節特爲首座大衆茶

庫司四節特爲首座大衆茶

前堂四節特爲後堂大衆茶

旦望巡堂茶

庫司頭首點行堂茶

方丈點行堂茶

月分須知

法器章第九

鐘

大鐘 殿鐘

僧堂鐘

版

磬

法鼓 淚鼓

茶鼓

齋鼓

普請鼓

鎣

鋗

椎

鼓

法鼓 淚鼓

更鼓

齋鼓

普請鼓

附著

百丈祖師塔銘

百丈山天下師表閣記

古清規序

崇寧清規序

咸淳清規序

至大清規序

日用寒暄文

古聖

勅修百丈清規目錄

畢

勅修百丈清規卷第一

大智壽聖禪寺住持臣僧德輝奉  
敕重編  
大龍翔集慶寺住持臣僧大訴奉  
勅校正  
祝釐章第一

人之所貴在明道故自古聖君崇吾西方聖人之教  
不以世禮待吾徒尊其道也欽惟

國朝優遇尤至特蠲賦役使安厥居而期以悉力于  
道

聖恩廣博天地莫窮必也悟明佛性以歸乎至善發  
揮妙用以超乎至神導民於無爲之化躋世於仁壽

之域以是報

君斯吾徒所當盡心也其見諸日用則朝夕必祝一  
飮不忘而存夫軌度焉

聖節

欽遇

聖節必先啓建金剛無量壽道場一月日僧行不給  
假示敬也啓建之先一日堂司備榜張于三門之右  
及上殿經單式見後俱用黃紙書之輪差僧簿依戒次

各書雙字名維那先五日袖紙帶堂司行

詔書記一拜稟云啓建聖節煩製疏語如書

寮通報書記出接維那觸禮

記欽則書狀侍者代之俱

缺則用現成書記製畢具草先呈住持親送堂司觸  
禮一拜答先禮也維那用黃紙書疏帶行僕捧盤祫

爐燭香合上方丈請住持僉疏炷香觸禮一拜稟云

啓建聖節請

僉訖行者就覆住持來早殿上啓建諷

經仍報諸寮掛諷經牌燒香侍者覆住持來早上堂

至五更住持行香回再覆粥罷上堂令客頭掛上堂

牌維那於僧堂早粥遍食惟後再鳴椎一下云

白大衆粥

罷聞鐘聲各具威儀詣大佛寶殿啓建

天壽聖節謹白復鳴椎一下往往持前

問訊從首座板起巡堂一匝出外堂下間至上間歸  
內堂中間問訊而出粥後少停待大殿排香燭茶湯

銕鉢手爐俱辦堂司行者報方丈客頭先覆住持次  
覆侍者鳴方丈板三下鳴鼓堂司行者預鳴衆寮前  
板三下集衆坐堂如尋常坐禪向內坐鼓鳴則轉身  
向外坐頭首先集堂外候鼓鳴卽入堂首座後入就  
坐西堂勤舊蒙堂諸寮並外堂坐住持於鼓初鳴出  
寢堂坐侍者問訊東立行者問訊西立轉鼓侍者往  
法座左側立候衆集頭首下床聖僧前問訊領衆出  
堂至法座前列一行問訊歸西序立大眾鴈列于後  
若不候頭首至先自立定非法也其行堂亦於鼓鳴  
時鳴板三下參頭領衆行者列庫堂前相對排立候  
轉鼓知事出則問訊隨其後待西序歸位畢亦列一  
行座前問訊上首居後都寺引歸東序立定衆行者  
列知事後稍離遠立侍侍者入請住持出行者問訊  
住持至法座前行者趨近知事後立冬月則衆去帽  
問訊住持和南登座侍者隨上法座以香合蓋盛香  
捧上住持拈香祝壽畢侍者接香以左手挿爐中右  
手拈從香一炷略問訊下座歸班待住持歛衣趺坐  
侍者先末班引過座下列一行問訊燒香侍者引班  
歸位次首座領班出列座前問訊大眾同問訊知事  
轉班列座前問訊行者隨問訊西堂東堂出座下問

訊侍者登座左手奉香轉身提坐具問訊

謂之代衆請法退

立座側問答罷陳白事意云

某月某日欽遇天壽聖節某寺預於某月某日啓建金剛無量壽道場一月日逐日輪僧上殿披

閱金文今辰開啓住持臣僧某陞于此座舉揚聖誦第一義所集洪因瑞爲祝延聖壽萬安者

說法竟白云下座各具威儀詣

謹白此日座下雖有官員亦不得叙謝蓋尊君也鳴

大鍾及僧堂前鐘集衆列殿上向佛排立住持上茶

湯上首知事逝上燒香侍者就佛座前下茶湯畢住

持歸位立定行者鳴鋟維那轉身爐前揖住持上香

燒香侍者捧香合次東堂西堂出班上香

如有大方諸山住持

偶至者令侍者請於兩序前上香

次兩序對出向佛問訊上香畢兩

兩相朝轉身歸位大衆同展三拜兩序分班對立住

持就跪知客跪進手爐侍者跪進香合維那白佛宣

疏畢知客跪接爐住持收坐具維那舉楞嚴呪回向

云

諷誦祕章所萃洪因瑞爲祝延聖壽萬安金剛無量壽佛云云

上衆散每日

堂司行者將輪差僧簿須預先一日請住持頭首衆

僧各書雙字名僉押量衆多少依戒具寫差單排定

日分周而復始仍列經目對揭殿內柱上至日各務

嚴肅鳴大鍾上殿當次僧員須具威儀香合禮佛歸

位者經庫司嚴設香燭備點心維那燒香點湯照拂

至晚鳴大鍾下殿堂司行者直殿行者常加伺候毋

令怠慢如官貢入山拈香鳴鐘集衆諷無量壽呪舉

藥師號畢回向云

某處某官入山拜手拈香僧衆諷  
詔祕章所奉洪因端爲祝延

今

上皇帝聖壽萬安金副無量壽云云

節內遇三八日佛殿念誦至日齋

罷堂司行者覆住持兩序諸寮掛念誦牌報衆參前

巡廊鳴板集衆向佛排立住持至鳴大板三下次鳴

大鐘燒香歸位維那出班念誦云

皇風永昌帝道遐  
自佛日增輝法輪

常轉爲如上緣念清淨法身毘盧遮那佛十彌訖回

向云上來念誦所集洪因端爲祝延

今上皇帝聖壽萬安金副無量壽云云

鳴僧堂前鐘三下大衆問訊而散或住

持赴郡縣都道場所歸時鳴鐘集衆門迎諸方丈問

訊

聖節啓散古規所載堂僧堂司給由暫到客司給由隨身照證蓋往時僧道歲一供帳納免丁錢官給由爲憑故遊方道具度牒之外有每歲免丁由有何處坐夏由有啓散聖節以備徵詰各亦畏慎今雖不用存其事以見古也

某州某府某寺

某月某日欽遇

黃

天壽聖節本寺預於今月某日恭就

金剛無量壽道場一月日逐日輪佛上

大佛寶殿啓建

殿披閱真詮宣持密號所萃

洪因端爲祝延

今上皇帝聖壽萬歲萬歲萬歲萬歲

榜

今上皇帝聖壽萬歲萬歲萬歲萬歲

右恭惟

龍天昭格

某年某月日都監寺臣僧某謹言

住持臣僧某謹言

式

佛日洞明

某年某月日都監寺臣僧某謹言

住持臣僧某謹言

經

今具經文品目于后

大方廣佛華嚴經

大佛頂萬行首楞嚴經

大乘妙法蓮華經

大乘光明經

大方廣圓覺脩多羅了義經

大乘金剛般若波羅密經

大仁王護國經

如前

式

右具如前

今月日綱維臣僧某具

差

今具逐日輪僧上殿名員于後 用白紙書  
某日 住持臣僧 某甲首座 某甲書記

單

某甲藏主 某甲知客 某甲西堂  
某日 某甲稱呼 某甲上座 某甲都寺

右具如前

式

今月 日堂司 某 具

疏語

啓

右伏以 覆蓋無私 乾坤孰測其高厚 照

臨有赫

日月莫喻其光華知 賛仰之徒勞欲

報

而無極惟託鈞陶之內 義重 四恩故竭 忠愛

之心虔恭

三祝 斗樞電繞龍象筵開帝網百億

山河咸歸

聖量擎藏三千世界益衍 不圖少盡

涓埃匪解

朝夕欽願 讶龍登用 景星耀而泰階

平 麟鳳呈祥

聖人作而萬物覩謹疏

散優鉢

羅花瑞世 同佛降生

闔浮提樹連陰與天齊壽

故 穏夙成之

膚質克 承不顯之 聖謨

哉乾至哉乾

體乾居正 會其極歸其極 建極

支那

卷之三

三

四

立中爰以 吾道之大同有裨 聖時之至治山林  
鐘鼓樂 化日之舒長草木昆蟲被 膏澤之滌灑  
祥開震夙 頌祝華封欽願 垂拱無爲天地位  
而萬物育 鈞陶有象陰陽理而四時平 壽考萬  
年 本支百世

景命四齋日祝讚

景命好日月旦月望初八廿三四齋日隔宿堂司行  
者報衆掛諷經牌次早鐘絕後鳴僧堂前鐘集衆登  
殿維那舉楞嚴呪唱藥師彌嘆佛畢回向云某日令  
某寺住持傳法某僧某謹集合山僧衆恭趨寶殿諷  
誦大佛頂萬行首楞嚴神呪稱揚聖號所萃洪因祝

延 今上皇帝聖壽萬安金  
剛無量壽佛仁王菩薩云云

旦望藏殿祝讚

日望古來轉藏祝壽今則必先使晨登殿 御座前

祝讚於禮爲恭或粥罷陞座罷鳴鐘集衆往藏殿維

那舉云摩訶般若波羅蜜多衆當默念住持領衆合掌繞藏行

道三匝多衆則一匝立定維那舉大悲呪回向云

照中有華藏海功超造化道絕明言三光電卷而實  
相湧六合雷奔而湛然寂不思議海難盡讚揚某州  
某寺住持傳法臣僧某月旦望令辰謹集合山僧衆  
恭趨藏殿繞旋行道稱念摩訶佛母聖號運轉天宮  
法寶輪藏諷誦大悲圓滿神呪所萃洪因端爲祝延  
今上皇帝聖壽萬安金剛無量壽佛仁王菩薩摩  
訶薩摩訶般若波羅密多

毎日祝讚

齋粥二時下堂僧衆必須登殿維那舉無量壽呪三遍回向云

諷誦秘章所萃洪因端爲祝延今上皇帝聖壽萬安金剛無量壽佛云云

千秋節

至期堂司行者隔宿報衆掛諷經牌次早鳴僧堂鐘

集衆登殿維那舉楞嚴呪畢白佛

四齋同日回向云某道

某寺某月某日敬遇僧采恭趁寶殿諷誦大佛頂萬行首楞嚴神呪稱揚

聖號所萃良因敬祝皇太子肅笄千秋殿下伏願

金剛無量壽佛云云

善月

正五九爲善月預先一日維那令堂司行者覆住持報庫司掛善月牌于殿門前具經單輪差僧簿每日鳴大鐘登殿看經祝贊終月而畢

始山隋開皇三年詔天下正五九并六齋日各寺建祈禱道場不得殺生命取藏經中有毘沙門天王每歲巡按四大部洲正五九月治南瞻部洲故禁屠宰而唐之藩鎮每上任必犒士卒不下數萬人須大烹宰故以正五九不上官爲禁殺也而俗以爲忌者非

祝釐章終

## 報恩章第二

國有禘祫四時之祭所以昭功德隆本始重參見前文也  
聖朝崇佛

世祖而下咸各建寺謂由佛應身以御天下化儀既終復歸佛位在京官寺於是設聖容具佛壇場月以五祭設奠展禮如生而致夫羹墻之恩洪惟聖化所被與佛之教流于無垠而吾徒沐恩波濡聖澤可不知所自而思所報效焉

### 國忌

上賓日屆期隔宿庫司報堂司令行者覆住持兩序

報衆掛諷經牌就法座上安 御座用黃紙寫

坐

號牌位嚴設香花燈燭几筵供養至期鳴僧堂鐘鼓

衆候住持至上香上茶湯維那舉楞嚴呪諷誦平回

向云

某州某寺住持傳法臣僧某某月某日恭遇

某聖聖忌之辰謹集合山僧衆諷誦大佛頂萬

行首楞嚴神呪稱揚聖號所萃殊利資嚴

神遊八極想雲車風馬來臨位證中天受玉殿瓊樓

快樂十方

三世云云

### 祈禱

凡有祈禱須如法嚴治壇場鋪陳供養住持專心加謹僧衆各務整肅知事內外提督應辦大小寮舍巡警齊潔或有官員拈香恭勤迎送預期庫司稟覆住

持先付意旨維那知會堂司行者報衆掛祈禱牌齋  
粥二時鳴鐘集衆諷經或看藏經或四大部經或三  
日五日七日隨時而行如祈晴祈雨則輪僧十員廿  
員或三五十員分作幾引接續諷誦每引諷大悲呪  
消灾呪大雲呪各三七遍謂之不斷輪終日諷誦必  
期感應方可滿散懶謝其疏意各列于后

祈晴 切見淫雨爲戾物用不成百川橫流民無寧  
處蓋衆生共業所感惟上天覆燾無私由是謹發誠  
心啓建祈晴道場每日命僧諷誦經呪仰扣諸聖所  
冀祈求晴霽速賜感彰伏願掃頑雲於四野陰沴潛  
消麗杲日於中天容光必照俾五行各順其序而萬  
彙悉遂其生

祈雨 切見亢陽爲灾百物就槁匪上天之降罰出  
下民之多愆惟諸佛開慈悲之門而神呪有祈禳之  
應由是謹發誠心啓建祈雨道場每日命僧諷誦經  
呪仰扣諸聖所冀祈求雨澤速賜感通伏願拯生靈  
於塗炭厥維艱哉起雲龍于山川俾霧靄矣庶茲多  
稼亦乃有秋

祈雪 切見時冬恒溫恐生物之疵癟維天降雪淨  
下土之祲氛庸致辦香之誠願集六花之瑞由是謹

聖所冀祈求雨雪速賜感通伏願形雲千里潤澤八荒六府二事用修草木咸若一氣五行順序神人以和

遣蝗  
切見飛蝗蔽天惟凶荒之可慮遺孽入地恐滋蔓之難圖匪假神功之驅除雖極人力而罔措由是謹發誠心啓建遣蝗道場每日命僧諷誦經呪仰扣諸聖所冀驅遣蟲蝗速賜消殄伏願滌之風雨掃種類以無遺授之江河隨業感而自化民安其業物遂其生

日蝕  
此日而食占五紀之或乖畏天之威虞六沴之將作故徇民情而救護蓋依佛力以禱禳由是謹發誠心命僧諷誦經呪用伸救護所冀日精速賜還光伏願五色開而黃道明照臨下土羣陰消而陽德盛昭回于天

月蝕  
月耀陰精而主夜所賴照臨天示咎徵于下民於焉薄食既戒既懼以禱以禳由是謹發誠心命僧諷誦經呪用伸救護所冀月華速賜還明伏願妖氛滅跡清光現大地山河願免長生萬象納廣寒宮殿

報恩章終

勅修百丈清規卷第一

音釋

您尼錦切

版布眼切

籍戶也切

判扶晚切

食也切

趙藏也切

散徂也切

走也切

稿告也切

切餉也

診問計切

水水也切

不利也切

正

尊

藏

徂

走

告

軍也切

利

不

利

也

正

尊

藏

徂

走

上

中

下

正

尊

藏

徂

走

告

勅修百丈清規卷第二

大智壽聖禪寺住持臣僧德輝奉

勅重編

大龍翔集慶寺住持臣僧大訴奉

勅校正

報本章第三

性者人之大本也振天地而莫知其始窮萬世而莫知其終佛與衆生均有是性悟之而登妙覺迷之而流浪生死從劫至劫六道異趣業報展轉無有窮已所賴聖訓洋洋堪作依怙吾徒忝形服預法系遵其行之爲律宣其言之爲教傳其心之爲禪而循吾所謂大本者以同夫佛之全體妙用始可稱佛子而續

慧命也其於諱日追悼豈世禮哉

佛降誕

先期堂司率眾財送庫司營供養請製疏食疏

聖節同禮

至日庫司嚴設花亭中置佛降生像於香湯盆內安

二小杓佛前敷陳供養畢住持上堂祝香云

佛誕令辰某寺

住持遺教遠孫比丘某甲虔獎寶香供養本師釋迦如來大和尚上酬慈蔭所冀法界衆生念念諸佛出

世現于次趺坐云

四月八日恭遇本師釋迦如來大和尚降誕令辰某甲

燭茶果珍羞以伸供養住持遺教遠孫比丘某甲陞

于此座舉唱宗乘所集殊勲上酬慈蔭下與法界衆

生同伸希慶次說法竟白云

下座各具威儀詣天佛殿浴佛諷經謹白

領眾同到殿上向佛排立定住持上香三拜不收坐

具進前上湯進食請客侍者遞上燒香侍者捧置于

几畢復位三拜再上香下覲點茶又三拜收坐具維

那搘班上香大眾展拜住持跪爐維那白佛云

一月影涌衆水一佛出世各坐一華白

毫舒而三界明甘露洒而四生潤宣疏畢舉唱浴佛

偈云我今灌沐諸如來淨智莊嚴功德聚行道浴佛

將畢舉楞嚴呪回向云

上來諷經功德回向真如實

等報王有濟資法界有情同圓種智十方三世一切佛云

疏語大海湛然獨聽潮音之震蕩太虛廓爾惟

瞻景緯之橫陳由本大而迹彰抑時至而機

應俾羣靈咸成正覺從五濁示現降生脫珎

服著垢衣 委身以徇舍化城登寶所 携手同歸

初度重臨 大恩莫報 伏願 扇真風於末世

揭慧日於中天無佛無魔法法宣揚玉偈非垢非

淨塵塵灌沐 金軀

佛成道涅槃

先期堂司率衆財送庫司營供養請製疏僉疏

禮同降詔

住持上堂祝香云

佛成道日某寺住持遺教遠孫比丘某甲奉爲法界衆生虔篤寶香

供養本師釋迦如來大和尚上酬

慈蔭欠冀法界衆生同成正覺

花燈燭茶果珍饈以伸供養住持遺教遠孫比丘某

甲陞于此座舉唱宗乘所集殊勲上酬慈蔭普願

法界衆生發明自己智慧入微塵刹轉大法輪

次趺坐云 日本遇

降詔

本師釋迦如來大和尚成道之辰率比丘衆嚴備香

花燈燭茶果珍饈以伸供養住持遺教遠孫比丘某

甲陞于此座舉唱宗乘所集殊勲上酬慈蔭普願

法界衆生發明自己智慧入微塵刹轉大法輪

次

說法竟白雲

下座各具威儀詣

大佛殿諷經謹白

禮同

跪爐維那白佛云

正覺山前睹明星而悟道

降詔

諷經回向涅槃日先期堂司率財送庫營供請製疏

僉疏

成道禮同

禮同

住持上堂祝香云

佛涅槃日某寺住持遺

教遠孫比丘某甲奉爲法

寶香供養本師釋迦如來大和尚上酬慈蔭下與法

界衆生同伸摹慕所冀法身常住法輪再轉一切有

情悟無

生忍

禮同

次趺坐云

二月十五日恭遇本師釋迦如來大和尚入涅槃之辰率比丘衆嚴

降詔

備香花燈燭茶果珍饈以伸供養住持遺教遠孫比

丘某甲陞于此座舉揚涅槃妙心所集殊勲上酬慈

蔭普願法界衆

生同圓種智者說法竟白雲

下座各具威儀詣

禮同

領衆殿上展拜跪爐維那白佛云

淨法界身本無出

去

來宣疏畢諷經回向竝前同

支那

成道疏語 無量劫來成佛豈假進修衆生日用不知示以先覺覺自覺他而成 覺道世出世間而稱世尊 闡一代之化儀 遵先佛之遺軌 坐菩提對魔宮隱而無光 現優鉢花法輪熾然常轉故始喻初日之先照而未示拈花之正傳 圓明真常則空有俱亡聖凡夢幻 延埴萬化則古今一瞬天地豪芒顧末裔之何知誦遺言而有惕伏願色空明暗咸宣 微妙法音蠢動含靈共證 智慧德相涅槃疏語 各赴羣機 法華之囑累授記 力制後學 遺教之扶律談常矧 拿花得旨付法正傳

而落葉歸根畢吾能事固於化者終於盡順世無常寓諸幻而返諸真是名寂滅然神珠恆照於濁垢而寶月不避於汙流 大定無方常住恆河沙劫 圓機普應示現千百億身顧世相之難忘臨諱日而增慕伏願 闡末流之邪見 回季運之澆漓 定慧兼修長如 正法住世天魔率化皆爲外護宗綱 佛生中印土姓刹利帝利氏瞿曇梵語瞿曇華言甘蔗其始祖王仙爲獵人啖以血入地生甘蔗二本日炙開一生男號甘蔗王一生女善賢妃生子作轉輪王以日炙又名日種傳七百世至淨飯王佛

以累劫功行滿足從兜率天降神王宮摩耶夫人  
腹胎於周昭王二十六年甲寅歲四月八日生名  
薩婆悉達七日母喪賴娘母摩訶波闍波提乳養  
至二十五歲踰城往跋伽仙林中取劙斷髮脫身  
寶衣從獵師貿袈裟爲比丘復北渡恆河至伽闍  
山靜坐六年苦行日食一麻一米以續精氣復自  
念若以羸身而取道者彼外道則言自饑是涅槃  
因乃浴於尼連河受牧女乳糜釋提桓因以吉祥  
草敷坐跏趺於上魔王領兵欲加迫害百計不能  
少撓作禮悔罪而去二月八日明星出時豁然大

悟得無上道成最正覺

世相傳以臘月八日或謂

周正建子或別有據時年三十歲矣於摩竭提國  
阿蘭若菩提場中演說華嚴小機未入如聾如瘡  
於三七日觀對思惟寧入涅槃梵天帝釋殷勤三  
請乃詣鹿苑以三乘教轉大法輪先爲僧行陳如等  
五人說四諦十二因緣六度等教歷十二年時佛  
四十二歲至方等會上淘汰弟子漸已開泰於是  
彈偏擊小歎大褒圓說維摩楞伽楞嚴般若大乘  
等經又三十季時佛七十二歲說法華經以諸弟  
子皆可任重授記作佛方暢本懷又八年爲穆王

五十三年壬申歲時佛七十九歲佛先往忉利天爲母說法優填王戀慕鑄金爲像聞佛下降金像來迎佛姨母摩訶波闍波提五百比丘尼舍利弗目犍連七萬阿羅漢等不忍見佛涅槃同時入滅菩薩四衆天人八部鳥獸諸王悉集獨受純陀最後之供爲諸比丘說無常苦空復言無上正法悉已付囑摩訶迦葉當爲汝等作大依止猶如如來又以阿難在娑羅林外爲魔所燒乃敕文殊云阿難吾弟給事我來二十餘年聞法具足如水注器欲命受持是涅槃經文殊奉旨名阿難歸佛言有

梵志須跋陀羅年百二十未捨憍慢汝可告之如來中夜當般涅槃卽與同至聞佛說法得阿羅漢乃告大衆自我得道度憍陳如最後度須跋陀羅吾事究竟二月十五日中夜復伸告誡汝等比丘於我滅後當尊波羅提木又是汝大師如我住世無異也於七寶牀右脇而臥寂然無聲便般涅槃阿那律升忉利天告摩耶夫人自天而下世尊起爲說法開慰復語阿難當知爲後世不孝衆生故從金棺出問訊於母時迦葉與五百弟子自耆闍崛山奔至悲哽作禮復現雙足千幅輪相天人各

持香薪至茶毘所化火自焚七日乃盡衆收舍利  
滿八金壘阿闍世王與八國王及帝釋諸天龍王  
共爭舍利大臣優波吉諫止宜共分之卽分爲三  
一諸天一龍王一分八王而闍王得八萬四千數  
以紫金函盛於五恆河中作塔藏之

帝師涅槃

至日法座上敬安牌位如法鋪設嚴備香花燈燭茶  
果珍饍供養維那請製疏僉疏佛涅槃同隔宿命堂司行  
者報衆挂諷經牌正日鳴鐘集衆向座雁立候住持  
至上香上湯上食下覲上茶禮拜畢拈香有法語維

那揖班上香大衆普同禮拜住持跪爐宣疏舉呪回

向云

上來諷經功德奉爲皇天之下一人之上開  
教宣文輔治大聖至德普覺真智佑國如意大  
寶法王 西天佛子大元帝師上  
附慈帳十方三世一切諸佛云云

疏語

天啓

有元篤生

輔治之

大聖

道尊

無上實爲

宣文之

法王密贊

化基陰翊

王

度

吐辭爲經

舉足爲法

位居

千佛之中

博厚配地

高明配天

尊極

一人之上

維茲

聖忌益仰

恩光伏願

重駕願輪

贊四海同

文之治化

眷言像季

振千古正法之宗綱

帝師拔合斯八法號惠幢賢吉祥土波國人也已

亥歲四月十三日降生父曰唆南紺藏初土波有國師禪恒羅吉達得正知見具大威神累葉相傳道行殊勝其國王世師尊之凡十七代而至薩斯加哇卽師之伯父也師天資素高復禮伯父爲師秘密伽陀微妙章句一二千言過目成誦七歲演法辯博縱橫年十有五歲在癸丑

世祖皇帝龍德淵潛師灼知真命有歸馳騎徑詣王府

上與中闡東宮皆秉受戒法特加尊禮閱六載庚申世祖聿登大寶建元中統遂尊爲國師授以玉印任中原法主統領天下釋教始令僧俗分司四年辭帝西歸未朞月趣召來還至元七年庚午有旨制大元國字師獨運摹畫不日而成深愜 聖意卽詔頒行朝省郡縣悉皆遵用迄爲一代典章升號 帝師大寶法王更賜玉印旋又西歸十一年 上復專使召至尋又力辭還山 上堅留之不可十七年十一月廿二日入滅 上聞不勝震悼追懷速建大窣堵波于京師寶藏真身舍利輪奐金碧古今無儔見附  
林學士王磐等奉勅所撰碑後升號 皇天之下 一人之上開敎宣文輔治大聖至德普覺真智佑國如意大寶法

王 西天佛子 大元帝師

報本章終

尊祖章第四

人各祀其祖重其形生之始也形生始於愛然形有時而化愛有時而盡惟性之靈然不昧者不恃生而存不偕亡而亡故佛教人必明性而後之學者復膠於文言不得其指歸猶醫之善方畫而廢藥石何益哉及吾祖達磨至示以直指之道而人始廓然見夫自性之妙不求文字不資語默而得於聲歎聲色之外則吾徒之傳祖道嗣祖位者如火之薪水之器無

古今之間毫髮之異不猶重於形生之始乎後百丈大智禪師又作清規以居吾徒而禪林於是乎始海會端公謂宜祀達磨於中百丈陪于右而各寺之開山祖配焉見於祖堂綱紀序云

達磨忌

先期堂司率衆財營供養請製疏僉疏  
佛涅槃同隔宿如設床榻下間設椅子經案  
法鋪設法堂座上掛真中間嚴設祭筵爐瓶香凡上間設禪椅拂子櫈架法衣設非也下間設椅子經案爐瓶香燭經卷堂司行者報衆掛諷經牌當晚諷經并覆來日半齋各具威儀散忌諷經泰前鳴僧堂鐘

集衆候住持至鳴鼓獻特爲湯住持上香三拜不收坐具上湯退身三拜再進前問訊揖湯復位二拜收

坐具鳴鼓三下行者鳴手磬維那出班念誦云

切以宗傳

直指參借潤於餘波道大難名愧聯輝於末裔仰憑大衆念清淨法身毘盧遮那佛十號云云回向

云上來念誦功德奉爲初祖菩提提達磨圓覺大師大和尚上醉慈庵十方三世一切云畢鳴僧

堂鐘三下衆散或請就坐藥石昏鐘鳴再鳴僧堂鐘

集衆住持上香維那舉楞嚴呪畢回向云

淨法界身本無出沒

天悲願力示有去來仰冀慈悲俯垂昭鑒今月初五日伏值初祚菩提提達磨圓覺大師大和尚示寂之辰幸比丘衆營備香饌以伸供養諷誦大佛頂萬行首楞嚴神呪所集殊動上醉慈庵伏願羣機有賴播揚少室之家風妙智無窮成就大根器十方三世一切云云次參頭領衆行者排

列喝參禮拜諷經人僕排列參拜次日早住持上香

禮拜上湯上粥座下側坐陪食粥罷住持上香上茶

維那舉大悲呪畢回向

上來諷經功德奉爲初祖告提達磨圓覺大師大和尚上

醉慈庵十方三世云云半齋鳴僧堂鐘集衆向祖排立住持上

香三拜不收坐具進爐前上湯上食請客侍者供遞

俟燒香侍者就祖位側捧置几上退就位三拜仍進

前燒香下覲畢三拜收坐具鳴鼓講特爲茶如湯畢

醉慈庵十方三世云云半齋鳴僧堂鐘集衆向祖排立住持上

香三拜不收坐具進爐前上湯上食請客侍者供遞

俟燒香侍者就祖位側捧置几上退就位三拜仍進

三拜維那白衣淨法界身本無出沒大悲願力示有去來宣疏住持跪爐

次舉楞嚴呪畢回向上來諷經功德奉爲初祖菩提  
達磨圓覺大師大和尚上醉慈十方三次行者諷經疏語 大哉正傳 紹覺皇之宗裔廓然無聖 破義學之豪首百川到海迥絕異流 呆日麗天罄無側影 指人心而成佛成佛同心 妙道以忘言忘言見道有 大功於世教宜 廣振於宗風 現濁世優曇華實爲鼻祖 取神州大乘器盡入彀中適逢 漬履之辰爰效采繫之薦伏願 信衣表 佛祖之重 力任千鈞 一花開 天地之春芳聯萬世

祖師南天竺國香至王第三子也姓刹帝利本名

菩提多羅後遇二十七祖般若多羅尊者知師密跡因試令與二兄辯所施寶珠發明心要既而尊者謂曰汝於諸法已得通量夫達磨者通大之義也宜名達磨因改名菩提達磨師乃告尊者曰我既得法當往何國而作佛事願垂開示尊者曰汝雖得法未可遠遊且止南天待吾滅後六十七載當往震旦設大法藥直接上根慎勿速行衰於日下梁普通八年丁未歲九月二十一日至南海廣州刺史蕭昂表聞武帝帝遣使詔迎十月一日至金陵與帝語不契是月十九日渡江北十一月二

十三日届于洛陽當魏孝明太和十年也萬止于嵩山少林寺面壁而坐終日默然人莫之測謂之壁觀婆羅門至太和十九年丙辰歲十月五日端居而逝其年十二月二十八日葬熊耳山起塔於定林寺唐謐圓覺大師塔曰空觀

百丈忌

先期堂司率衆財營供養至日隔宿如法鋪設法堂座上掛真嚴設中間祭筵上下間几案供具當晚諷經正日散忌特爲茶湯拈香宣疏出班上香大衆展拜並同達

但無念誦初夜回向云

淨法界身本無出沒大悲願力示有

去來仰冀慈悲俯垂昭鑒正月十七日伏值百丈大智覺照弘宗妙行禪師大和尚示寂之辰率比丘衆營備香羞以伸供養諷誦大佛頂萬行首楞嚴神呪所集殊勲上酌慈麾伏願曇花再現重開鳧花之春惠日長明永燭昏衢之夜十方三世一切云云

疏語 一言爲

天下法 中矩中規

萬世知

師道尊

有綱有紀以綱叢林禮樂之盛見 法筵

龍象之多

華梵同文

富擬名渠天祿

經律相

濟 嚴如金科玉條

有布武堂上之儀非綿蕞野

外之禮 卽此用離此用

語脫重玄

出於機入

於機

理窮衆妙宜配

禪祖以陪祀盍遵

諱日

而營齋伏願

帝釋精進勝幢

制諸魔外

濟北

陰涼大樹 蔭滿闇浮

師福州長樂人王氏子卯歲離塵三學該練屬馬祖闡化江西法席之盛若大珠南泉歸宗號法龍象而師爲上首暨祖示寂泐潭師繼之以衆委湊無所容欲辭去道過新吳憇止車輪峯下有甘貞游暢願施地延居已而衆復至遂建寺爲大拓提焉元和九年正月十七日師歸寂彬林不葬而燎靈溪方春而涸四衆悲慘葬于大雄峯先是有異人司馬頭陀者爲擇葬地曰傍連三峯未窮其妙法王居之天下師表而世以爲信然云唐長慶元

年勅賜大智禪師塔曰大寶勝輪

宋大觀元年加謚覺照塔曰慧聚

大元元統三年加謚弘宗妙行禪師

開山歷代祖忌

開山忌及道行崇重功被山門者隔宿鋪設法堂上禮儀百文或無疏庫司備供養若歷代忌不具疏不獻特爲茶湯屆期堂司預報庫司備供養請牌位就出揖班上香畢歸位同展三拜侍者班尾拜就祖堂下食一  
位諷經非禮也舉大悲呪回向云實明空海湛先生流後之波大寂定至大規

門融今古去來之相仰冀真慈俯垂昭鑒山門今月  
某日伏值前生當山第幾代某號某禪師示寂之辰  
營備珍羞以伸供養比丘衆諷誦大悲神呪所集殊  
勲增崇品位伏願慧日重輝耀祖室光明之種靈根  
再蘖回少林花木之春云云或鄉人或江湖舉呪回向云  
奉爲某號大和尚增崇品位十方三世云云或有俵覲則舉楞嚴呪回向

同前

嗣法師忌

先德唯激揚宗乘發明自己開示後學知有授受以  
報恩也如巴陵三轉語爲雲門作忌先輩深有意焉  
然尊師重道禮不可廢先期住持出已財送庫司辦  
祭設供膳宿就法堂如法排辦堂司行者報衆掛諷

經牌當晚諷楞嚴呪鄉人法眷舉大悲呪次行者諷  
經回向並同次早住持上粥粥罷太衆諷大悲呪鄉  
人法眷舉呪半齋散忌諷經住持上食講特爲茶拈

香

達磨  
忘同

兩序上香

太衆同拜

蓋上座下皆

參學故也

齊時住持

入堂燒

香展拜歸位衣鉢侍者行覲

有依法堂諷經

時俵覲非禮也

也

齊畢就座

點茶燒香侍者行禮若講侍爲伴真湯

齋

罷

方丈客頭請西堂兩序晚間對真相伴喫湯排照牌

身燒香展拜起身問訊謝相伴鳴鼓王下退座如有

三人西堂則分作兩座第一座西堂喫湯住持行

禮第二座兩序喫湯侍者行禮或無西堂則已之諷

經罷備湯果預請兩序勤舊如有法眷尊長同門兄

弟皆當請之小師師孫不可同席坐定

住持起上香上湯畢侍者燒香行湯果

尊祖章終

住持章第五

佛教入中國四百年而達磨至又八傳而至百丈唯以道相授受或岩居穴處或寄律寺未有住持之名百丈以禪宗寂感上而君相王公下而儒老百氏皆嚮風問道有徒實蕃非崇其位則師法不嚴始奉其師爲住持而尊之曰長老如天竺之稱舍利弗須菩提以齒德俱尊也作廣堂以居其衆設兩序以分其職而制度粲然矣至於作務猶與衆均其勞常曰一日不作一日不食烏有庾廩之富與僕之安哉故始

由衆所推既而命之官而猶辭聘不赴者後則貴鬻豪奪視若奇貨然苟非其人一寺廢蕩又遺黨於後至數十年蔓不可圖而往往傳其冥報之慘有不忍聞者可不戒且懼乎

住持日用

上堂 凡旦望侍者隔宿稟住持云來晨祝 聖上堂次早再稟分付客頭行者掛上堂牌報衆粥罷不鳴下堂鐘三下俟鋪法座畢堂司行者覆首座鳴衆寮前板大衆坐堂方丈行者覆住持次覆侍者鳴鼓畱序領僧行至座前問訊分班對立侍者請住持出

登座拈香祝壽

詳具祝

趺坐開發學者激揚此道若

有客併叙序謝多則具日子恐有遺忘侍者提起或有諸山住持名德西堂座右設位官客對座設位

尊法則不坐也

五參上堂兩序至座下徑歸班立住持登座

不拈香

餘如若尊宿相訪特爲上堂或引座舉揚施前式

主請陞座不拘時也

古之學者蓋爲決疑故有問答初不滯於語言近日號名禪客多昧因果增長惡習以爲戲劇譁然喧笑甚失觀瞻况舉揚宗乘端祝聖壽若有官客及名德相遇少致叙陳而今時衲子例責過褒

敘謝殊乖法式如說山門事務則方丈會茶議論毋談雜事使衆厭聽

晚參

凡集眾開不皆謂之參古人匡徒使之朝夕

咨扣無時而不激揚此道故每晚必參則在晡時至今叢林坐參猶旦至五參陞座將聽法時大衆坐堂

也詳具祝

若住持至晚不參則堂司行者稟命住持

覆首座鳴僧堂鐘三下謂放參鐘也如住持入院或

官員檀越入山或受人特請或謂亡者開示或四節臘則移於昏鐘鳴而謂之小參可以叙世禮曰家教

者也然亦不鳴放參鐘謂猶有參也

小參 小參初無定所看衆多少或就寢堂或就法堂至日午後侍者覆住持云今晚令客頭行者報衆掛小參牌當晚不鳴放參鐘昏鐘鳴時行者覆住持鳴鼓一通衆集兩序歸位住持登座與五參同提綱敘謝委曲詳盡然後舉古結座如四節說請頭首秉拂及講免禮儀詳略使衆通知下座客頭行者喝請云

方丈和尚請西堂兩班單寮者舊蒙堂侍者禪客卽今就寢堂獻湯庫司預備湯果送

上方丈

昔汾陽昭禪師住汾州太子院以并汾地苦寒故罷夜參有異比丘振錫而至謂師曰會中有大士

六人奈何不說法言訖昇空而去師密記以偈曰胡僧金錫光爲法到汾陽六人成大器勸請爲敷揚時楚圓守芝號上首楚圓卽慈明也後住石霜飲罷常山行時楊岐會公爲監寺闢其出櫬鼓集衆慈明遽還怒數曰暮而升座何從得此規繩會徐對曰汾州晚參何爲非規繩乎慈明領之

告香 每夏前告香新歸堂者推參頭一人維那和會定同衆詣侍司稟云新掛搭兄弟欲求和尚告香普說敢煩侍者答稟答云容爲後却當挂報如住持允從卽報堂司出告香圖式見量衆多少列作幾行分東西

兩邊面向法座而立依戒排列預集衆習儀堂司行者率衆錢買香大小三片及紙作圖之費付叅頭收至日侍者令客頭於寢堂或法堂鋪設眾恩椅子須用香几三隻燭臺三對當椅前一字間列外設小榜席堂司行者預逐一報衆掛告香牌侍者預出小榜貼法堂柱上云奉堂頭和尚慈旨名德西堂首座並免告香侍司某謹白至日粥罷諸寮各鳴板三下衆集依圖位立各備小香合坐具叅頭同維那侍者入請住持出収頭歸位同衆問訊進前云請和尚趺坐住持就座副収遍大香一片與収頭同衆問訊插香各大展三拜收坐具復同衆問訊収

頭進椅側問訊稟云某等爲生死事大無常迅速伏望和尚慈悲開示因緣住

持舉話三則隨下語歸位問訊插香一片復同衆就位叉手而立東西各三人出班東第一第二人過東爐前第三人中爐前西第一第二人過西爐前第三人過中爐前兩兩炷香問訊然後東三人過東西三人過西以次如前而進徐步行各巡接班尾三三叉手出班合掌歸位俟各炷香畢次第趨至元位同衆三拜不收坐具収頭進云某等蒙和尚慈悲開允復下情不勝感激之至復位同衆三拜進云即頭和尚尊候起居萬福復位同衆三拜收坐具行者鳴鼓五下兩序轉身序立座前収

頭立西序下其告香人東西轉身依位對立勤舊蒙  
堂已告香者立于後普說竟仍齊向法座立參頭插  
香同衆三拜免則觸禮進云某等宿生慶幸獲蒙和  
感激普同問訊而退參頭領衆法堂下間謝維那侍  
之至尚慈悲開示下情不勝

者觸禮一拜次大衆謝參頭觸禮一拜請客侍者預  
依戒次具茶狀備卓袱筆硯告香罷列法堂下間請

茶各僉名請首座光伴齋退鳴鼓衆歸位立兩侍者

行禮

與常特

當晚方丈請參頭維那侍者藥石首座

光伴次早請參頭茶半齋請參頭維那侍者點心若

大衆均預告香則首座爲參頭其侍爲茶請西堂光

伴住持入院後人事定庫司備香首座領衆舉請爲

衆告香然後開堂

古法未預告

香不許入室

轉路

燭  
一燭

燭  
三燭

四五三十三廿廿廿廿  
三六土廿九廿廿廿廿  
二七十廿六廿廿廿廿  
一八九廿七廿廿廿廿

告香

燭  
三燭  
住持香

都寺監寺副寺維那副寺典座直歲  
參頭

叉手出班  
合掌歸位  
參頭

圖

燭  
三燭

首座首座畫記蠻蠻蠻蠻  
知客知客知客知客

燭  
三燭

一八九廿七廿廿廿廿  
二七十廿六廿廿廿廿  
三六土廿九廿廿廿廿  
四五三十三廿廿廿廿

燭  
三燭

轉路

普說 有大衆告香而請者就據所設位坐有檀越  
特請者有住持爲衆開示者則登法座凡普說時侍  
者令客頭行者掛普說牌報衆鋪設寢堂或法堂粥  
罷行者覆住持緩擊鼓五下侍者出候衆集請住持  
出據坐普說與小參禮同

入室 入室者乃師家勘辦學子策其未至擣其虛  
亢攻其偏重如烹金爐鉛汞不存玉人治玉砧硃盡  
癡不拘昏曉不擇處所無時而行之故昔時衲子小  
香合常隨身但聞三下鼓鳴卽趨入室  
事  
也遇開室時粥前侍者令客頭行者僧堂前諸寮掛  
事  
入室者備故

入室牌寢堂設達磨像前列香燭拜席敷設室內秉  
燭裝香拜席設左側粥罷下堂客頭卽緩擊鼓三下  
住持至達磨前炷香同侍者三拜入據室坐侍者問  
訊班左立行者問訊班右立頭首領衆達磨前各炷  
香三拜聯接而至室前後至者依次炷香展拜接排  
而立次第相趨不許攪先亂序侍者燒香問訊出外  
揖首座入入先左足仍以左手香進前問訊至禪  
椅右側立聽舉話或下語或不下語隨意過禪椅左  
問訊退步觸禮一拜舉左足出揖次人入一出一入  
相向問訊聯接不絕若首座是大方西堂或名德入

燒香住持當下座揖讓送出遇陞堂白衆特免

循襲之儀若古德當機佛祖不讓寧講世禮

顧師家何如耳

不

只

後

堂

領

衆

暫

到

皆

當入室侍者居衆後入室畢炷香大展三拜行者插  
香三拜住持復出達磨前炷香大展三拜而退

念誦 古規初三十二廿三初八十八廿八今止行

初八十八廿八堂司依戒次寫圖

式見

後

見

至

日

僧

堂

灑掃午後堂司行者報衆掛念誦牌至參前檢點僧  
堂及諸殿堂香燭完備覆住持兩序先鳴方丈板照  
堂板次巡廊鳴板住持出緩鳴大板三下衆集依圖  
立定暫到於侍者下肩立侍者隨住持到祖堂土地

堂大殿燒香禮拜鳴大鐘兩序預集堂外大板鳴方  
歸圖位住持入堂供頭鳴堂前鐘七下聖僧前燒香  
侍者捧香合書狀侍者徑歸位請客侍者卽往西序  
問訊請湯巡過次請東序就歸位住持出堂外中立  
燒香侍者隨出歸位維那先離位至門首向住持立  
合掌念誦上八中八云皇風永扇帝道遐昌佛山增輝法輪常轉伽藍土地護法護人十方檀那增福增慧爲如上緣念清淨法身毘盧遮那佛云云大眾默念每一號  
大師入般涅槃至今太元重紀至元元年已得二千二百八十四載是日已過命亦隨滅如沙水魚斯有何樂衆等當勤精進如救頭然但念無常慎勿放逸伽藍土地護法護人十方檀那增福增慧爲如上緣念清淨法身

堂前輕應鐘一聲念畢疊一聲下八云白大眾如來

上云云畢歸位住持入堂前堂首座入次名德西堂插  
入歸聖僧板頭立頭首領衆三人一引聖僧前問訊  
轉身住持前問訊合掌巡堂順左肩轉依圖位立暫  
到侍者隨衆入只巡半堂至聖僧後侍者向後門立  
暫到向侍者立次知事入堂聖僧前問訊轉身住持  
前問訊合掌巡堂出暫到接侍者後隨出堂司行者  
往首座前覆云叅放從聖僧後轉出堂供頭鳴堂前鐘  
三下衆普同和南各出全單而散住持出兩序蓮出至堂前謝湯住持止之下八赴湯寢堂鳴板侍者燒香行禮如常式湯罷藥石古法三八皆有湯上八中八則免藥石其日不坐參至晚坐禪如常式

丁酉	乙丑	
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳
辛	壬	午
壬	癸	未
癸	甲	申
甲	乙	酉
乙	丙	戌
丙	丁	亥
丁	戊	子
戊	己	丑
己	庚	寅
庚	辛	卯
辛	壬	辰
壬	癸	巳
癸	甲	午
甲	乙	未
乙	丙	申
丙	丁	酉
丁	戊	戌
戊	己	亥
己	庚	子
庚	辛	丑
辛	壬	寅
壬	癸	卯
癸	甲	辰
甲	乙	巳
乙	丙	午
丙	丁	未
丁	戊	申
戊	己	酉
己	庚	戌
庚	辛	亥
辛	壬	子
壬	癸	丑
癸	甲	寅
甲	乙	卯
乙	丙	辰
丙	丁	巳
丁	戊	午
戊	己	未
己	庚	申
庚	辛	酉
辛	壬	戌
壬	癸	亥
癸	甲	子
甲	乙	丑
乙	丙	寅
丙	丁	卯
丁	戊	辰
戊	己	巳
己	庚	午
庚	辛	未
辛	壬	申
壬	癸	酉
癸	甲	戌
甲	乙	亥
乙	丙	子
丙	丁	丑
丁	戊	寅
戊	己	卯
己	庚	辰
庚	辛	巳

巡察 古規住持巡察僧堂前掛巡察牌報衆各察設位備香茶湯伺候住持至鳴板集衆於門外排立問訊隨住持入察察主燒香同衆問訊而坐住持詢問老病點檢察舍缺之敘話而起衆當展坐具謝臨訪免則問訊相送或旦望巡行則不掛牌今惟以四節報禮爲巡察餘日不講能復古者當行之

僧祇云世尊以五事故五日一按行僧房一恐弟子着有爲事二恐著俗論三恐著睡眠四爲看病僧五年少比丘觀佛威儀生歡喜故

肅衆 大藏經內載宋翰林學士楊億推原百丈立

規之意略曰或有假號竊邢混于清衆別致喧撓之事卽當維那檢舉抽下本位掛搭擯令出院者貴安清衆也或彼有所犯卽以拄杖杖之集衆燒衣鉢道具遣逐偏門而出者不耻辱也詳此一條制有四益一不汚清衆生恭敬故二不毀僧形循佛制故三不擾公門省獄訟故四不泄於外護宗綱故然百丈創規折衷佛律五篇七聚弘範三界梵檀擯治自恣舉過以肅其衆國朝累聖戒飭僧徒嚴遵佛制除刑名重罪例屬有司外若僧人自相干犯當以清規律之若鬪諍犯分若污行縱逸若侵漁常住若私竊錢物

宜從家訓母揚外醜蓋悉稱釋氏准俗同親恪守祖規隨事懲戒重則集衆筆擯輕則罰錢罰香罰油而榜示之如關係錢物則責狀追陪惟平惟允使自悔艾古規繩頌云盜財并鬪諍酒色汚僧倫速遣離清衆容留卽敢羣又云犯重鉢應當集衆入山藤示耻驅擯出偏門大惠禪師住育王時榜示堂司僧爭無明決非好僧有理無理並皆出院或議有理而亦擯疑若未當蓋僧當忍辱若執有理而爭者卽是無明故同擯之息諍於未萌也

訓童行 凡且望五參上堂罷參頭行者令喝食行者報各局務行堂前掛牌報衆昏鐘鳴行堂前鳴板

三下集衆行者先佛殿次祖堂僧堂前前堂寮<sub>參</sub>喝方上寢堂排立參頭入方丈請住持出就坐參頭進前插香退身歸位緩聲喝云<sub>參</sub>衆低聲同云<sub>不審</sub>齊禮三拜屏息拱聽規誨畢又三拜參頭喝云<sub>重</sub>衆齊低聲和問訊而退如住持他緣則喝食行者喝云<sub>奉方丈</sub>慈旨晚參衆云<sub>不</sub>次長聲喝云<sub>放</sub>參衆云<sub>重</sub>齊問訊退爲行者普說參頭預詣侍司插香禮拜稟侍者答覆住持如允所請參頭卽鳴行堂前板集衆排立寢堂參頭隨侍者入請住持出據坐參頭同衆問訊進前插香退身歸位緩聲喝云<sub>不審</sub>衆低聲和畢同禮九

拜參頭進云

某等久思和尚示許  
伏望慈悲開示因緣

轉身問訊而退

次日行堂掛普說牌報衆設座香几燭臺參頭報衆請兩序立班副參領衆門迎兩序入堂參頭堂主詣侍司同請住持下行堂衆迎入據坐侍者問訊側立兩序問訊畢侍者燒香請法參頭領衆鴈立插香喝參三拜退分東西序後鴈立拱聽開示畢參頭領衆如前排立三拜卽出門外右立揖送住持兩序然後隨至寢堂插大香一片九拜而退次詣侍司插香三拜參頭副參同住兩序前一一拜謝

受法衣

專使送法衣至先相看知客通意同上侍

支那

司煩通覆方丈或卽相接或在來早侍者預令客頭報請兩序至專使插香如常禮相看謝茶畢再插香兩展三禮免則觸禮詞云某人和尚法衣表信專此奉上以柈袱托呈法衣信物然後入座兩序光伴茶罷獻湯湯罷兩序同送安下侍者引巡察別日上堂法座左邊設住持位專使大展三拜捧衣遞上住持接衣有法語披衣陞座或嗣法師已遷化法堂右間設靈几下座致祭諷經如遺書主之禮見後

迎侍尊宿 尊宿相訪須預掛接尊宿牌鳴鐘集衆門迎彼若尚簡則潛入寺住持必於寢堂具香燭相

接仍令鳴僧堂鐘客頭報首座領衆插香問訊畢衆退兩序勤舊就陪坐燒香喫茶罷侍者方插香禮拜帶行侍者行者人僕轎從參拜方丈執局及參頭領衆行者人僕轎番以次參拜侍者復燒香點湯湯罷兩序勤舊同送客位客頭令備轎住持同引巡察報禮侍者隨侍若以下諸山則侍者引巡察請客侍者具狀詣客位插香拜請特爲湯稟云方丈拜請和尚爲獻湯伏望稟訖呈狀云見畢客頭覆云請和尚湯罷就座藥石寢堂釘掛帳幕牌照牌設特爲光伴位鳴鼓行禮揖坐揖香勸湯湯罷藥石並同常特爲禮客頭詣客

位請云方丈請和尚仍請兩序光伴侍者覆來早上

今晚湯果

堂致謝次早請湯侍者燒香行者問訊僕從聲喏住

持相陪喫粥粥罷請茶侍者再稟上堂座右設位半

齋點心如大尊宿則首座衆頭首稟住持勸請爲衆開示法要住持先到客位陳意若允首座具狀兩序

大衆同詣客位插香拜請次請住持引座報衆掛牌

法座前左右排位至時鳴鼓住持同下法堂位前立住持先引座與常上堂同下座兩序詣尊宿前問訊

尊宿往往住持而問訊歸中普問訊登座侍者兩序出

班問訊住持問訊說法畢下座住持前問訊普與大

衆問訊住持兩序大衆隨詣客位插香拜謝請客侍者具狀請待爲管待山門置食備覲方丈備貼覲行禮與常特爲同若諸山平交斟酌中禮可也若法眷尊長至先講諸山相見禮送客位請居中座住持插香禮拜講法眷禮方丈內坐當讓中位迎送如前禮獻湯躬行禮客力辭侍者行禮若嗣法辦事法妓相訪當躬至方丈住持卽令鳴僧堂鐘集衆人事先請住持中坐行弟子法眷禮次講諸山禮接送同前但待爲湯管待不具狀請客侍者炷香陳請又看年臘高低臨時通變請湯請管待請陞座各有狀式見後

高

低臨時通變

請湯請管待請陞

當寺住持比丘某右某輒以今晚就寢年月日具位狀尊慈特垂降重謹狀

當寺住持比丘某右某輒以來日就寢年月日具位狀尊慈特垂降重謹狀

當寺首座比丘某右某輒以來日拜請舉揚宗旨開示後學伏望年月日具位狀尊慈俯垂

可漏子狀請某處堂頭和尚禪師具位謹封

施主請陞座齋僧施主到門知客接見引上方丈獻茶湯送安下處若官貴大施主當鳴鐘集衆門迎送安下處定施主却請知事商議同上方丈炷香拜請陞座至日鋪設法座座前設施主位掛上堂牌報

衆鳴鼓集衆知客同施主上方丈請住持須備手爐燈幡鏡錙如儀迎至座前登座趺座施主座前設拜知客揖引入位聽法但受禮則慢法也坐下座拜謝若齋僧須與知事議定齋料用費維那具僧行數目覲資隨數均俵僧堂內設施主位與住持分手齋畢知事陪施主僧堂前少立待首座領衆出堂致謝次住持知事到客位謝或有寄錢齋僧住持責付知事須當盡數管辦供覲慎勿互用當思因果歷然

人天寶鑑云湖南雲蓋山智禪師夜坐丈室忽聞焦灼氣枷鎖聲卽而視之迺有荷火枷者火猶起

滅不停枷尾倚於門闌智驚問曰汝爲誰苦至斯  
極耶荷枷者對曰前住當山守顚也不合互將檀  
越供僧物造僧堂故受此苦智曰作何方便可免  
顚曰望爲估直僧堂填設僧供可免爾智以已貲  
如其言爲償之一夕夢顚謝曰賴師力獲免地獄  
苦生人天中三生後復得爲僧今門闌燒痕猶存  
然顚公以供僧物作僧堂皆僧受用尚受互用之  
報若此今叢林撥無因果非唯互用甚至竊常住  
爲已有者宜何如哉

受嗣法人煎點 岩法嗣到寺煎點令帶行知事到

庫司會計營辦合用錢物送納隔宿先到侍司咨稟  
通覆詣方丈插香展拜免則觸禮請云來晨就雲堂  
聖慈悲特  
垂降重  
令客頭請兩序單寮諸寮掛煎點牌至日

僧堂住持位嚴設敷陳及卓袱襯幣之具火板鳴大  
衆赴堂煎點人隨住持入堂揖坐轉身聖僧前燒香  
又手往往持前問訊轉聖僧後出住持引手揖煎點  
人坐位居知客板頭行者喝云請大眾  
下鉢行食偏煎點  
人起燒香下覲問訊住持及行衆覲廚司方鳴齋板  
就行飯食訖衆收鉢退住持卓煎點人燒香往往持  
前問訊從聖僧後出爐前問訊鳴鐘行茶偏往往持

前勸茶復從聖僧後出進住持前展坐具云此日薄  
待辱隆重下情不勝感激之至二展寒溫觸禮三拜送住持出煎點人復歸堂燒香上下間問訊以謝光伴復中問訊鳴鐘收盞次詣方丈謝降重住持隨到客位致謝若諸山煎點候齋辦請住持同赴堂揖住持坐住持當免行禮揖煎點人歸位待行食徧起燒香往往持前問訊下覲俵衆人覲燒光伴香歸位伴食茶禮講否隨宜斟酌嗣法師遺書至專使持書到寺禮儀詳見下遺書篇方丈開書兩序先慰住持法堂中間設祭座前拈香有法語舉哀三拜上湯復三拜進食下覲鳴鼓講特

爲禮

三拜上茶鳴鼓三下退座收坐具維那舉楞嚴

呪向

無嗣法師忌同

兩序四寮江湖鄉人法眷小師辦事

皆祭住持居靈几之左

如有諸山及座下西堂法眷與師爲行輩者上祭則

住持同專使答拜

以答則不答拜

祭畢諷大悲呪回向云上來諷經功德奉塔

某寺十方三世一切佛

和尚遷化後學失依不

悲悼尚真堪忍力行此道

## 初修百丈清規卷第

音釋

闕

口監切視也臨也

恩

音茲切崇恩

大

質切

妖

淫也

大

質切

憇

音茲切崇恩

大

質切

淫

大質切

大

質切

勅修百丈清規卷第三

大智壽聖禪寺住持臣僧德輝奉 勅重編  
大龍翔集慶寺住持臣僧大訴奉 勅校正  
請新住持

發車使 凡十方寺院住持虛席必聞於所司伺公  
命下庫司會兩序勤舊茶議發專使修書頭首知事  
勤舊蒙堂  
前資僧衆製疏山門諸江湖茶湯榜專使  
署有名請書記爲之如缺書  
記擇能文字者分爲之用絹素寫榜所請專使或上  
首知事或勤舊或西堂首座或以次頭首充之若非  
知事充專使亦須以下知事一人同去掌財議事具

須知一冊該寫本寺應有田產物業及迎接儀從一切畢備山門管待專使一行人從至起程日詣諸寮相別鳴僧堂鍾集衆門送三門下釤掛帳設向裏設位講茶湯禮請兩序勤舊光伴如上首知事去則下首知事行禮如頭首勤舊去則上首知事行禮揖坐燒香揖香歸位相伴喫茶再起燒香揖香歸位相伴喫湯收盡專使起謝上轎當代住持受請專使到彼寺先見知客同到庫司接送安下次見頭首及諸寮請侍司詳查來歷侍者通覆住持候可否如允請然後令鋪設早祇安疏帖報兩序至入請住持出事

使問訊

請跌坐

住持中立專使挿香大展三拜進前云

某蒙山門使今攀屈尊嚴得

奉慈顏下情不勝感激之至又三拜詞云

卽日時今謹時共惟

新命堂頭大和尚

尊侯起居萬福

復三拜收坐具住持各答一拜詞

云叨膺請命有玷宗風

專使呈疏帖書問住持接置

几上開書疏看過侍者揖坐

專使於住持對面坐西堂僅趨下一位以讓遠

客喫茶畢同兩序送客位堂司行者鳴僧堂鍾大眾

詣方丈作賀庫司偖香首座知事各挿香初展詞云

法門多幸伏審榮遷歡動

叢林下情不勝喜躍之至再展云

卽日時今謹時共惟新命其處堂上

大和尚尊侯

起居萬福

觸禮三拜住持答一拜詞云

自揆跋此選偶膺此選

過厓稱賀不勝多愧

衆散知客引專使巡寮畢次第呈納本寺

須知儀從什物當晚特爲湯藥石至夜湯果皆請兩序勤舊光伴庫司排辦受請陞座受請已次日陞座侍者分付行者預於法座下右邊排列疏帖設位專使預票維那請宣疏帖人侍者覆住持鳴鼓如常上堂式住持出至位立進香卓專使燒香呈疏帖每呈一疏則專使燒香遞上住持逐一拈各有法語宣畢專使仍炷香兩展三拜或觸禮或免在住持意退卓住持登座提綱敘謝結座

專使特爲新命煎點專使先與新命議定齋覲輕

重合宜兩序勤舊鄉人法眷辦事貼覲齋料等費事使親送納庫司置辦至日專使詣方丈挿香拜請初展云今辰午刻就雲堂特爲煎點伏望謹時共惟新命堂頃大和尚尊候起居萬福再展云即日

點牌報衆於僧堂內鋪設主席西堂板頭排專使位茶湯榜張于堂外兩側至齋時專使僧堂前伺候住持入堂問訊歸位揖坐歸中問訊揖衆坐聖僧前燒香次上下間次堂外燒香仍歸堂內住持前上下間及外堂問訊仍歸中問訊行食徧燒香下住持覲次

行大衆覬畢歸位伴齋俟折水出鳴鼓專使再起燒香行禮同前行茶徧瓶出如前問訊收住持盞專使行禮初展云其聊備蔬飯伏蒙慈悲降重下情不勝感激之至二展敘寒溫觸禮三拜送住持出再歸堂燒香大展三拜巡堂一匝并堂外復歸內堂中間問訊收盞鳴鼓三下退座專使隨上方丈致謝次詣庫司謝辦齋再詣方丈請住持至晚藥石至夜湯果皆請兩序勤舊光伴

山門管待新命弁專使 庫司會議管待供覬如儀上首知事隔日詣新命前插香拜請次詣客位稟請專使令庫司客頭請兩序勤舊光伴弊覬當如禮不

可輕蔑詞語行禮並與特爲禮同寢堂中敷住持高座專使附位于右兩序如常列左右勤舊對面位侍者知事下位遠接僕從管待外當支犒勞所至住持多因遷赴他山僧行懷其宿憤動致唇吻傳之官員士庶因一人無知而使一寺蒙其惡名老成耆宿外護隣峯當戒戢之然爲住持者凡事留遺愛可也新命辭衆上堂茶湯 至起離日專使詣諸寮別新命上堂致謝兩序勤舊大衆下座鳴鼓三下向法座立普與大衆觸禮三拜從西廊出鳴大鍾諸法器大衆門送行僕門外排立山門首預釘掛帳設中敷高

座向內首座向外攝居主位西堂勤舊分手光伴東西序兩邊朝坐上首知事行禮揖坐揖香歸位點茶收盞再起燒香揖香歸位點湯湯罷起謝上轎兩序勤舊備轎遠近住持當力免之鳴大鍾住持轎遠方止西堂頭首受請

專使到寺先見知客同到侍司引見方丈插香展拜相看茶罷送客位次詣諸寮人事畢稟侍者同詣方丈答票云某寺今請其人住持住持報兩序勤舊同往受請人寮中敷陳疏帖書問專使插香行禮與請當代同如不允衆爲勸請受請後住持請新命及兩序勤舊茶

送新命歸客位次第受賀巡寮人事晚請新命專使特爲湯藥石湯果兩序光伴受請人陞座名德所坐前堂首座

方舉

來日爲新命

和尚引座

次日粥罷法座右邊排列椅卓卓上安

和請拜請

和尚

前堂首座

松源爲掩笑

室引座

疏帖座左亦設住持椅子鳴鼓集衆住持出陞座與五參禮同今請客侍者請新命趺坐褒美新命爲法而出勸請舉揚慰衆渴仰舉話有無不拘松源爲掩笑常引座息庵爲復庵引座皆舉話

左向外而立專使同知客侍者往新命前問訊畢新

命出住持前問訊次與兩序大衆問訊若新命是嗣

法弟子住持付法衣有法語披衣了進前請住持趺坐大展三拜不收坐具進詞云

早蒙陶鑄仰賴先宗來請既勤難逃公命

下情無任惶懼之至又三拜進詞云

卽日時今謹時共惟堂上本師大和尚尊候起居多

當仁惟黃保任却歸座右立專使度疏帖各有法語若非法

嗣卽出座前與住持問訊次與兩序大衆問訊徑歸

座右拈衣拈疏帖有法語專使先稟維那請宣疏帖

人宣畢指座有法語登座垂語問答提綱敍謝結座

下座到住持前兩展三禮初展詞云

叨膺請命有玷

下情不勝感激之至住持答云

喜慶人天之請榮增佛日再展云

專使特爲受請人前點專使請新命前議定方丈引座覲資衆覲宣疏帖人及兩序勤舊江湖鄉人法眷等貼覲至日粥罷事使懷香詣方丈觸禮拜請云

今晨午刻就雲堂備蔬飮特爲新命和尚伏望慈悲俯垂隆重復詣新命前拜請同前禮方丈客頭同事使行者請諸寮各掛煎點牌於

僧堂內住持對面設新命位堂外知客板頭設專使位其茶湯榜張于堂外兩傍至齋時覆新命到僧堂前俟住持同入堂問訊專使隨入堂先揖住持歸位次揖新命歸位燒香行禮並同前下食行覶茶畢先收新命蓋專使進前兩展三禮送新命出後門專使入住持前兩展三禮送住持出前門復歸堂炷香大展三拜巡堂一匝并外堂歸中問訊收蓋鳴鼓三下退座當晚湯果藥石光伴同前

山門管侍受請人并專使就寢堂敷設住持主位新命對面中位左設專使位兩序勤舊光伴左右位

下覶行禮同前受請人辭衆陞座茶湯受請人令侍者同事使預詣方丈稟借法座上堂辭衆座不敷設左設住持位鳴鼓集衆住持出歸位受請人徑往住持前問訊次與大衆和南陞座舉揚畢下座先辭住持觸禮三拜次向法座立辭衆普同觸禮三拜門首向裏中設特位講茶湯兩序勤舊光伴上首知事行禮與當代同鳴大鍾送以次西堂頭首則無辭衆上堂臨行先同事使上方丈插香觸禮三拜稟辭次巡寮辭別山門首茶湯禮同前

入院

古人腰包頂笠到山門首下笠入門炷香有法語就僧堂前解包屏處濯足取衣披搭入堂炷香聖僧前大展三拜參隨人同拜掛搭已到佛殿拈香有法語大展三拜次土地堂祖堂炷香各有法語入方丈據室有法語次第開堂祝

聖今時新命到來當看安下處近遠近則首座領衆往迎遠則兩序勤舊而已專使預當計稟住持必先發批免衆遠迎若安下處近當辦湯果兩序勤舊光伴擇日入院庫司一一排辦隔宿掛接住持牌報衆至時鳴大鍾諸法器大衆門迎由遠至近兩行排立

行僕立大衆外新命到門炷香舉法語至佛殿炷香舉法語大展三拜鳴僧堂鍾大衆先歸鉢位立定新命入堂炷香參隨人同展三拜維那當面問訊引巡堂一匝參隨人先出兩序送新命歸鉢位觸禮三拜次至土地堂祖堂炷香各有法語入方丈據室侍者進前炷香問訊側立候舉法語畢行者進卓筆硯知事具狀式見備梓印新命看封付知事開封新命視篆訖就狀上先僉押次題日子使印於上知事收狀衣鉢侍者收印退卓住持起身知事全班進列上首挿香兩展三禮初展詞云慈蒙和尚光據法筵下情不勝

撰述

卷之三

黑三

嘉躍之至再展詞云卽日時令謹時共惟新命堂觸禮三拜諸山及頭首勤舊進前插香香不草賀畢客頭行者喝云請諸山兩班勤湯寵請官客諸山點心若前代住持別遷未赴或退居東堂未據室前講交代禮新命受草賀了鳴僧堂鐘領衆躬送前代歸寮對觸禮一拜次首座大衆作賀行儀皆當參拜

呈寺

當寺庫司比丘  
寺印一顆

某甲

印狀

右謹申納

新命堂頭大和尚伏候 慈旨 年月日具位狀

山門請新命

齊 上首知事候據室後人事稍畢備

杵臼爐燭具狀

式見懷香詣方丈請齋兩展三禮初

客頭鋪設僧堂內住持位行禮與特爲管待同

齋

當寺庫司比丘

某甲

右某甲取午刻

狀

可漏子狀請

年月日具位

迎伏望

尊慈特垂降重就

開堂祝壽

古之開堂朝命下或差官敦請或部使者

或郡縣遣幣禮請就某寺或本寺官給錢料設齋開堂各官自有請疏及茶湯等物見諸名公文集近來開堂多是各寺自備至時入院侍者分付行者鋪設法座報衆掛上堂牌具寫官員諸山名目預呈住

持於座左設位鋪卓袱爐燭排列疏帖預先和會維  
那宣公文首座宣山門疏以次頭首或諸山江湖名  
勝宜其餘疏及預請諸山一人白椎座前對面排官  
員位侍者覆方丈鳴鼓衆集侍者同事使入請住持  
出銕鉞旛花挑燈迎引至法堂位前立如受請時未  
拈衣當舉法語披衣畢事使進前插香行禮初展云  
卽日伏蒙和尚光據法筵下情不勝感激之至  
再展敘寒溫畢觸禮三拜住持答一拜先呈公文舉法語畢接付維那宣白次山  
門諸山江湖疏一一遞上有法語分送宣讀若見任  
官請開掌有疏親自捧遞有法語宣畢指法座有法  
語登座拈香祝聖次拈帝師省院臺憲郡縣文武宮  
僚香侍者逐一度香惟法嗣香住持懷中拈出自插  
爐中斂衣趺坐侍者燒香下座問訊兩序出班問訊  
畢侍者再登座燒香問訊禮與旦望上堂同諸山住持  
送入院者亦出問訊住持當令侍者請官員坐諸山  
上首出白椎鳴椎一下云法筵龍象衆此日開堂端爲祝聖不敢多詞住持垂語  
問答提綱敘謝官員諸山云富觀第一義此日開堂端爲祝聖  
兩序勤舊略提過詳在小叅時敘陳結座白椎人復鳴椎一下白云諦觀法王法如是法王法下座先受官員作賀畢知事接送客位客頭行者卽進爐燭一字排列座前

事使挿香兩展三禮畢堂司行者喝云<sub>諸山人事</sub>次喝云  
西堂展禮喝云知事兩展三禮又喝云首座大  
人事蒙堂前資諸寮齊挿香同大眾兩展三禮畢莊庫菴  
塔法眷鄉人暫到展賀畢據座侍者小師挿香大展  
三拜次執局行者挿香禮拜次參頭領衆行者挿香  
禮拜次直廳轎番莊甲作頭老郎人僕參拜畢住持  
卽往客位致謝官員諸山次第巡察諸寮當陳香几  
爐燭坐位各具威儀於寮外伺住持至寮主先於門  
前下首立迎入請趺坐挿香住持答香略叙寒溫致  
謝送出蒙堂前資衆寮皆列門外下首同迎同送

山門特爲新命茶湯 茶湯榜預張僧堂前上下間  
庫司仍具請狀式見後備柈袱爐燭詣方丈挿香拜請  
免則觸禮票云齋退就雲堂點茶特票訖呈狀隨令  
客頭請兩序勤舊大眾光伴掛點湯牌報衆僧堂內  
鋪設住持位近時有齋時關長板鳴知事入堂炷香古規亦無巡堂請茶然特爲住持陳賀衆之禮免之爲當  
右出炷香展三拜起引全班至住持前兩展三禮送  
出復歸堂燒香上下間問訊收蓋退座湯與茶禮同

但無送住持出堂湯罷就座藥石

狀

當寺庫司比丘 晚刻就雲堂點茶湯用伸陳 賀之儀伏望尊慈特垂 降重

式

可漏子同齊狀式

年月日具位狀

當晚小參

齋罷侍者覆住持云

令晚小參

令客頭報衆

掛小參牌具寫專使兩序勤舊蒙堂前資諸寮莊庫  
菴塔暫到入院侍者禪客參隨或有相送官客諸山  
留宿者逐一條列預用呈稟昏鐘鳴侍者覆方丈鳴  
板後鳴鼓一通衆集兩序歸位立定住持出登座垂  
語問答提綱畢敘謝行者秉燭侍者呈目子庶得詳

盡下座客頭行者喝云

方丈和尚請諸山和尚兩班西堂獻蒙堂侍者禪客卽人子就請

知事送官客歸客位湯果

爲建寺檀越陞座 知事須隔宿覆住持次早侍者  
令客頭掛上堂牌報衆庫司差人嚴設祠堂供養粥  
罷特爲上堂陳白事意畢說法下座集衆詣祠堂炷  
香點茶湯上供維那舉經回向

管待專使

知事預稟住持議專使宣疏帖人覲資

輕重方丈備貼覲須令合節至日寢堂釘掛鋪設位  
次請兩序勤舊光伴設特爲位請客侍者躬請其餘  
人則方丈客頭票請禮與常特爲同

留請兩序 兩序伺管待專使畢約請方丈答票告退住持未可遽從侍者令客頭行者備湯具柈袱燭住持帶侍者詣庫司諸寮勉留客頭先報迎住持入分手坐侍者燒香點湯盡禮勸留若職過滿亦須寬耐候住持稍暇再票辭退

報謝出入 凡官員檀越諸山相送入院者禮應報謝郡縣官府亦合參見如居山林遠出令行者傳語庫司首座維那知會出久則知事探伺歸期令堂司掛接和尚牌報衆鳴鍾門迎住持先令傳語免之卽往佛殿土地堂燒香首座領衆至方丈問訊衆退留

兩序勤舊獻湯而散侍者方丈執局行者插香禮拜次參頭領衆行者禮拜畢住持須巡察報禮若在城附郭朝暮出入無時不必講行或審回方丈兩序勤舊皆當請方丈問起居無準和尚住徑山日化緣多出入每關齋粥時徑歸僧堂伴衆食畢方丈客頭候聖僧侍者鳴下堂椎大眾將下地喝云大衆少立方丈和尚傳語大衆不煩訪及兩序勤舊亦當請方丈問訊

交割砧基什物 入院後須會兩序勤舊茶詳細詢問山門事務砧基契書什物逐一點對交割計算財

穀簿書分明關防作幣務在詳審

受兩序勤舊煎點

至日首座知事勤舊詣方丈挿

香拜請住持次請侍者小師鋪設住持寢堂中位兩  
序勤舊位如常坐侍者帶行小師問訊住持畢兩序  
勤舊未坐至時首座請住持出揖坐行禮若免只燒  
香進前問訊下覲首座起身燒香如免禮則就坐喫茶諸山  
道舊及辦事法眷小師等請寢堂煎點禮同但煎點  
人設位高下臨時斟酌

退院

住持如年老有疾或心力疲倦或緣不順自宜知退  
常住錢物須要簿書分明方丈什物點對交割具單  
目一樣兩本住持兩序勤舊僉押用寺記印住持庫  
司各收一本爲照公請一人看守方丈至退日上堂  
叙謝辭衆下座過鼓三下而退若留本寺居東堂相  
斷住持者須當盡禮溫存宋理宗以靈隱寺菜園爲  
閻妃建寺住山癡絕冲公卽日退院躬荷包笠往遊  
廬山遣使畱之不回高風千古孰能繼之

遷化

示疾覺沈重預請兩序勤舊點對封收衣鉢行李就

留方丈差公謹行僕看守以俟佑唱或有標撥俵散  
物件須要平允母令恩怨不均致後爭競若衣鉢微  
薄務從儉簡遣戒小師不得披麻慟哭請首座主喪  
一切佛事並免但舉無常偈云亡僧津送母費常住  
母勞大衆若住持有功山門寺衆念其遺愛或衣鉢  
稍豐當如儀講行喪禮有官員檀越諸山法眷遺書  
卽當遣送

遺

某寺住持某世緣報謝風燭不停所有隨身  
衣鉢檀信施利非常住物煩兩序抄劄端請

多侵用常住幸察此

其人主行喪事餘僧行衆僧看經行喪母致繁  
意伏希悉及年月日住山某押

遺

尊宿

早忝遊從奈合離之有數繼承  
推挽遂勉於微緣電露我空

書

鄰封

雲山益渺敢祈保護以壽斯  
文拜禱不備住山無補每依元空幸謝世緣之幻莫誥一面別

之

法眷

惟切心願冀佛日以流輝俾  
宗風而益振伏惟鄰壁之光夢境  
叨濫住山有媿同門之友因循  
先師之令德道往珍重

式

可渾子

某人稱呼某寺比丘某謹封  
書拜

入龕 初示寂侍者卽令客頭行者下僧堂報衆鳴椎一下白云堂頭和尚傳語大衆 風火相逼不及面達 又鳴椎一下次報

諸寮堂司行者鳴僧堂鍾集衆上方丈吊慰罷首座同兩序勤舊商議發訃狀大見後 報諸山發書請人主喪須諸山名德隣封老成或法眷尊長或只本寺首

座如有遺命遵行舉請小師侍者親隨人安排洗浴着衣淨髮入龕遺偈貼龕左維那領小師炷香請首座入龕佛事安排寢堂置龕爐燭几筵供養至時鳴

僧堂鐘集衆舉佛事已維那出念誦云

一切以冥權妙密示化迹於人天至性圓明契玄機於佛祖恭惟堂頭和尚歟然智月光收萬頃之波允矣悲心式副十方之感瞻顏

無地坡志有歸是集真徒讚揚聖號爲如上緣念清淨法身毘盧遮那佛云云舉大悲呢向

向云上來念誦諷經功德奉爲堂頭和尚無生報地妙極莊嚴三世云云再舉楞嚴

呪回向云諷經功德奉爲堂頭和尚增崇品位十方三世云云當夜集衆念誦

云白大衆堂頭和尚已歸真寂衆失所依但念無常慎勿放逸爲如上緣念清淨法身毘盧遮那佛云云

回向同前二時上粥飯三時上茶湯大衆諷經見職

維那回向同前近時風俗薄惡僧輩求充莊庫執事不得或盜竊常住住持依公擅罰惡徒不責已過惟

懷憤恨一聞遷化若快其志惡言罵詈甚至椎擊棺

龕搶奪衣物逞其凶橫主喪者宿諸山檀越官貴士庶叅學交遊當爲外護人誰無死況是座下叅徒犯

者必擴逐懲治主喪執事若能預甲戒飭早令悛格  
化惡於未萌尤全外觀之美

狀

某寺喪司比丘頭和尚今月某日遽爾歸真謹以訃聞謹狀

式

可漏子

訃告

某處堂頭和尚禪師

具位

謹封

請主喪 主喪人至鳴大鍾集衆門迎至龕前炷香  
首座大衆問訊衆散兩序勤舊送客位插香展禮主  
喪人居主位首座分手座定躬起燒香復位獻茶小  
師卽列前插香大展三拜方丈執局及叅頭領衆行  
者相次插香禮拜後方丈僕從叅拜罷獻湯送兩序

出庫司備點心兩序光伴次第巡察凡主喪者須老

成名德如圓悟爲開福寧和尚主喪接月菴果公以  
嗣其法可爲標格

請喪司職事 主喪人巡察罷兩序勤舊小師隨到

知客侍

者

并一切佛事

資次見後

以次議請除舉哀小叅

書記海那

佛事係主喪人爲之分孝服輕重見後如無布絹隨宜折  
錢俵之主喪人須與首座計會所遺衣鉢多少默作  
三分一分准喪司孝服諷經燈燭之費一分歸常住  
陪貼供養一分俵大衆看經并佛事板帳等用主喪

人須存公正不可徇私帶行僧行不得干預執役每  
日諷經依覲奠茶湯不拘兩序勤舊各請一人掌財  
庶絕浮議聖僧侍者把帳喪司公差庫子客頭茶頭  
一行人管辦事請見職維邢同議見職知客接外客  
喪司合十人僕排單揭示

孝服

侍者小師麻布

被

兩序苧布

被

主喪及法眷尊長

生布被勤舊辦事鄉人法眷諸山

生綃

檀越生綃

被

方丈行者麻布

被

衆行者苧布

被

方丈人僕

作頭麻布

巾

甲幹莊客諸僕苧布

巾

佛事

入龕苧布

被

移龕苧布

被

鎖龕法堂掛真舉哀

奠茶湯

對靈小參

奠茶湯

起龕

山

門首真亭掛真

奠茶湯

秉炬

安骨

提衣

起骨入塔

入祖堂

全身入塔

撒土如衣鉢豐厚添轉龕轉骨等佛事

被

茶湯粥飯供養

諷經

仍備

桃燈鏡

銳花旛

鳴僧

堂

移龕三日掩龕鋪設法堂上間掛幃幙設牀  
座櫈架動用器具陳列如事生之禮中間法座上掛  
真安位牌廣列祭筵用生絹幃幙以備上祭下間置  
龕用麻布幃幕前列几案爐瓶素花香燭不絕二時  
上茶湯粥飯供養諷經仍備桃燈鏡銳花旛鳴僧堂  
鍾集衆請移龕佛事罷龕下法堂請鎖龕佛事掛

真舉哀奠茶湯 移龕就法堂鎖龕已請掛真佛事  
畢如有親書遺言侍者捧呈主喪人及首座大衆云

堂頭和尚臨終遺言呈似首座大衆

主喪人躬接遞與首座以所書香

爐上熏授維那讀過喪司行者貼法堂中間上手幘

上主喪白衣

堂頭和尚歸寂理合舉哀

舉佛事罷舉哀三聲大衆

同哭小師列幕下哀泣舉奠茶湯佛事小師列真前

禮拜歸幘下主喪姓香禮真兩序勤舊大衆以次炷

香禮真小師真左答拜主喪人幕下吊慰小師隨禮

主喪人三拜次慰兩序大衆云

法門不幸堂頭和尚遽戢化權敢與大衆

持後事

首座答云

尚願和尚力賜主張

兩序大衆慰小師云

山門

不幸和尚歸真且望節哀以終大事

小師夜守龕幘喪司列排祭次

見後

貼法堂下間幕上凡祭文皆喪司書記爲之每日或

兩次三次上祭無拘蓋檀越諸山來有先後隨時若

法眷門人上祭到門知客接已卽報喪司隨送孝服

然後上祭所有轉儀用餘當歸常住補物諸山人從

支費喪司集兩序勤舊將抄劄衣鉢議從遺囑留送

外估定新舊短長價直高下庶免唱衣臨時紛糾對

靈小叅奠茶湯念誦致祭 喪司維那同小師懷香

詣客位 請主喪人大夜對靈小叅預設座候昏鍾

鳴鼓集衆兩序座下問訊

如常式

主喪人用帶行侍

者燒香無則聖僧侍者代之小叅下座小師羅拜致謝首座領衆龕前上香立定請奠茶湯佛事畢山門

維那念誦云

白大衆堂頭和尚入般涅槃是日已過劫持萬德洪名奉爲增崇品位仰悲大衆念

勤精進如救頭然但念無常慎勿放逸恭裏大衆肅

詰龕牌誦持

洪名奉爲增崇品位仰悲大衆念

清淨洗身毘盧

舉大悲呪畢回向云功德奉爲新示

遮那佛云云

寂堂頭和尚伏願不忘願力再現曇花掉慈航於生死迦波接羣迷於菩提彼岸再勞大衆念十方三世

一切諸

佛云云

畢山門知客舉楞嚴呪上來諷經功德奉爲新示

夜之次增崇品位十

方三世一切云云

行僕叅拜諷經畢喪司行老喝云就座湯果

請首坐大衆

衆

同

行僕終夜守靈

向

回

祭次

知事

頭首

主喪

西堂

勤舊

蒙堂

江湖

前資

老宿

衆寮

辦寧

舊侍者

鄉人

法眷

諸菴塔

小師

師孫

方丈

行者

六局行者

行堂

方丈人僕

轎番

老郎

莊甲

火客

修造局

諸色作頭

出喪掛真奠茶湯

庫司喪司相關提調喪儀香亭

真亭幢幡悞樂龕前金椅湯爐挑燈竹籃

主丈拂子香盒法衣等物小師隨龕後鳴大鍾諸法器送喪起

龕念誦云

金棺自舉達拘尸之大城幢施搖空赴茶毗之盛禮仰憑大衆稱念洪名用表舉違

上資覺路念清淨法身是盧遮那佛云  
云若全身入塔則云赴難捉之盛禮  
燒香引小師拜請起龕佛事龕至山門首請奠亭掛  
真奠茶湯俱有佛事兩序大衆門列俟龕出已山門  
維那向內合掌中立舉往生呪或四聖號大衆齊念  
王喪領衆兩兩分出左右俵散雪柳齊步並行母得  
挨肩交語各懷悲感都寺押喪喪司維那知客聖僧  
侍者俵行喪覲

茶毘 殡至涅槃臺喪司維那俟都寺上香茶了進

前燒香引小師拜請秉炬佛事山門維那念誦云 是

則有新示寂堂頭和尚化緣既畢遠返真常靈棺遍

遠於拘尸性火自焚於此日仰憑大衆資助覺盡南

無西方極樂世界大慈大悲阿彌陀佛十念衆和畢

上來稱揚聖號恭贊化儀體格先宗峻機不容於佛

祖用開後學悲心仍攝於人天收幻化之百骸入火

光之三昧茶領三奠香爇一爐頂戴奉行和南聖衆

舉大悲呪回向云 上來念誦諷經功德奉爲堂頭和

一切山門知客舉楞嚴呪回向同前次鄉人舉經大

衆同諷畢首座領衆歸寺赴齋小師鄉人法眷守化

收骨齋罷鳴僧堂鍾集衆仍備儀從迎骨回寢堂安

奉請安骨佛事掛真供養諷經二時上粥飯三時上

茶湯或十日半月大衆諷經靈骨入塔則止

全身入塔 龕至塔所都寺上香茶畢喪司維那進

燒香引小師拜請入塔佛事畢山門維那念誦云 以切

雙趺不相紹靈鷲之遺規隻履顯宗表少林之垂範  
全機隱顯盛法始終仰馮大衆資助覺靈南無西方  
極樂世界大慈大悲阿彌陀佛十念畢上來稱揚十  
念資助往生惟願慧鏡無邊慈雲廣布四生界內示  
不生不滅之因六趣道中說無我無人之法茶頌三奠香  
爇一爐頂戴奉行和南聖衆其舉經

諷誦次第並與涅槃臺同但回向則云入塔候掩擴  
一切畢備然後請撒土佛事迎真回寢堂供養主喪  
炷香禮真次諸山兩序大衆小師禮真畢小師插香  
大展三拜謝主喪次兩序大衆謝主喪詞云山門不  
得無曠敗主喪同喪司一

荷主盟後事頭和尚示寂極

主喪答云仰荷莊供

幸先堂

行人巡察致謝次小師巡察拜謝山門維那送見職  
侍者侍真侍者歸衆寮每日三時上茶湯集衆諷經

俟迎牌位入祖堂則止或待新住持至方入祖堂有  
佛事

唱衣

至期僧堂前或法堂上下間設大衆坐位中

間向裏橫安長卓置筆硯大磬其上鳴僧堂鍾集衆  
首座與主喪分手兩序大衆次第而坐喪司維那知  
客聖僧侍者向主喪位坐維那念誦云留衣表信乃  
以法破擇禦先達之遺範今茲佑唱用表無規常仰憑大衆念清淨法身此虛遮那佛云云

出衣鉢依號排席上請提衣佛事畢維那鳴磬一下  
白云扶唱衣之法常規新舊短長自宜照韻磬聲斷後不得翻悔謹白若法衣多添畱遺屬次第呈衣維那拈唱喪司合于人貴在公

心主行維那定價打磬行者暗願前後唱定名字知客寫名上單侍者依名發標唱衣畢結定鈔數主喪僉單交鈔取衣不得徇私減價主喪力主其事今多作闔拈甚息喧爭其法用小片紙以千字文次第書字號每一號作三段寫於上仍用印記關防量衆多少與喪司合于人封定至期呈過主喪兩序首座開封知客分俵堂司行者捧盤隨侍者侍者剪取其半置盤內畢以盤置首座側安水盆於下抖勻維那拈衣唱價訖首座臨時呼一童行信手拈盤中半闔遍與首座開看字號分曉說與堂司行者喝某字號衆

人各開所執半闔字號同者卽應如不願唱此號衣物則不應三唱不應首座以半闔投水盆中再令撮起半闔復唱起應者堂司行者徃收半號到首座處對同報與維那稱云某物唱與某人鳴磬一下知客上單侍者發標供頭行者遞與唱得人衣物仍舊入籠次第唱畢維那鳴磬一下回向云上來唱衣念誦堂頭和尚增音品印位十方三世云云衆散各自照價持標取衣三日後不取者依價出賣造單帳唱衣古法見大衆章

單式 尚頭和尚示寂謹具衣物估唱鈔數收支于後

一收鈔若干

係某件啗到

一收鈔若干

係某項收到

一支鈔若干

係某項用度

一支鈔若干

係某項支使

已上共收鈔若干

共支鈔若干

除支外見管鈔若干

准齋七追修僧行經資用

右具如前

呈 把帳執事人兩序典喪各書名僉押

年月日喪司行者某具

靈骨入塔 至期隔宿準備儀從正日鳴鍾衆集都  
寺上香畢請起骨佛事送至塔所請入塔佛事其舉  
經諷誦回向並與全身入塔語同迎真歸寢堂供養  
及謝主喪人等禮並同

下遺書 喪事畢主喪請侍者辦事人充專使分路  
馳送諸山法眷檀越官員遺書唯尊宿相見下語須  
擇能事人充專使至彼寺首到客司相見知客引見  
侍司預備梓裯盛書物侍者請方丈通覆住持當卽  
相接令請兩序同開書專使進前問訊云請和尚坐  
若住持垂語須下語挿香展禮住持免則觸禮如常相

看燒香喫茶罷待兩序至專使起爐前謝茶再挿大  
香一片展禮稟云

其處和尚某月某日歸寂遺書遺物令某馳送卽呈書物

住持云

法門衰落不勝哀感

兩序進問訊首座分手就坐專使

住持對面退一位坐茶罷起身住持白云

法門不幸歸寂不勝哀感

侍者備書剪托書物侍者度書與住持接就

爐上熏付侍者送與維那行者度剪開緘宣讀已侍

者揖專使上住持對面位坐

西堂權趙向下位坐讓客

侍者燒香

點湯送專使歸安下處先住持問訊次侍者兩序問

訊知客引巡察先庫司次頭首寮單寮蒙堂四寮侍  
者稟請特爲湯湯罷藥石至晚湯果大方遺書至兩

序光伴以次兩序上首維那侍者光伴請書記作祭

文方丈祭文或住持自作江湖法眷辦事皆當備香

致祭侍者一一提點次早方丈請茶法堂下間設靈

几排祭侍者覆上堂行者報衆掛上堂牌座下備卓

祇盛書物座左排住持位鳴鼓衆集住持出法座下

位前立鼓絕進香卓知客引專使住持前行禮挿香

初展云

輒持遺墨仰賣尊慈下情不勝惶恐之至

再展云

卽日時今謹時恭惟堂頭和尚

尊候起居多福

觸禮三拜呈遺書住持接書爐上熏付侍者

通維那

讀專使問訊住持畢歸知客班後立住持

陞座下

乞誦靈几前住香點湯上祭點茶展拜專使

座右還拜維那出班揖住持燒香侍者捧香盒兩序上香畢住持兩序展拜維那宣祭文住持復展拜專使答拜舉楞嚴呪回向云上來諷經功德奉爲某處和尚增崇品位十方三世

云兩序四寮江湖辦事鄉人皆致祭專使答拜以下法眷小師辦事專使不答拜畢舉大悲呪回向專使出靈前兩展三禮謝住持免則觸禮次巡察致謝然後山門管待專使請兩序光伴若前住持本寺一併入祖堂諷經了就便迎牌到祖堂住持拈香安牌有法語安已專使卽拜謝住持若當代入祖堂寢堂安骨諷經三日待新住持入祖堂或無遺書遺物與當

代住持其徒自爲入祖堂者初到寺見侍者引見住持插香展拜相看燒香喫茶起身稟意畢送安下處次到頭首庫司單寮蒙堂諸處相看擬日辦供俵覶法堂致祭諷經牌入祖堂住持有法語禮與前同管待主喪及喪司執事人山門當備供覶高下一一如儀仍請兩序勤舊光伴首座攝居主席就方丈坐排照牌都寺行禮與常特爲同茶畢鳴鍾集衆門送主喪人

議舉住持

兩序勤舊就庫司會茶議請補處住持仍請江湖名

勝大衆公同選舉須擇宗眼明白德劭年高行止廉潔堪服衆望者又當合諸山輿論然後列名僉狀保申所司請之若住持得人法道尊重寺門有光爲勤舊知事者不可以鄉人法眷阿黨傳會不擇才德惟從賄賂致有樹黨徇私互相攬奪寺院廢蕩職此之由切宜慎之切宜慎之

明教大師曰教謂住持者何謂也住持也者謂藉人持其法使之永住而不泯也夫戒定慧者持法之具也僧園物務者持法之資也法也者大聖之道也資與具待其人而後舉善其具不善其資不可也善其資而不善其具不可也皆善則可以持而住之也昔靈山住持大迦葉統之竹林住持以身于戶之故聖人之教盛聖人之法長存聖人既隱其世數相失茫然久乎吾人倣倖乃以住持名之勢之利之天下相習沓焉紛然幾乎成風成俗也聖人不復出其孰爲之正外衛者不視不擇欲吾聖人之風不衰聖人之法益昌不可得也悲夫吾何望也

住持章終

勅修百丈清規卷第三終

音釋

**扶**音拏  
**義同**  
**櫛**音移  
架也

衣陣

扶句切以壇  
財助喪也

音也

卷之三

音闡

卷之三

1

卷之三

三

一

山東人小

卷之三

魏其貴傳

卷之三

卷之三

百川集

勅修百丈清規卷第四

**大智壽聖禪寺住持臣僧德輝奉  
大龍翔集慶寺住持臣僧大訴奉  
勅重編  
勅校正**

兩序章第六

兩序之設爲衆辦事而因以提綱唱道黼黻宗猷至若司帑庾歷庶務世出世法無不閑習然後據位稱師臨衆馭物則全體備用所謂成己而成人者也古猶東西易位而交職之不以班資崇卑爲謙今岐而二之非也甚而黨鬭強弱異勢至不相容者有矣惟主者申祖訓以戒之欲其無爭必慎擇所任使各當

其職人無間言可也

西序 嗣首

前堂首座 表率叢林人天眼目分座說法開鑿後  
昆坐禪領衆謹守條章齋粥精粗勉諭執事僧行失  
儀依規示罰老病亡歿垂恤送終凡衆之事皆得舉  
行如衣有領如網有綱也雖大方尊宿若住持能以  
禮致之亦請充此職謂之退位爲人如文殊爲七佛  
師猶助釋迦揚化爲衆上首吾宗睦州於黃檗雲門  
於靈樹光昭前烈詔訓後來名位之重可輕任耶  
祖庭事苑云首座卽古之上座梵語悉替那此云

上座一耆年二貴族三先受戒及證道果今禪門  
所謂首座者必擇其已事已辦衆所服從德業兼  
修者充之

後堂首座 位居後板輔贊宗風軌則莊端爲衆模  
範蓋以衆多故分前後齋粥二時過堂及坐禪則後  
門出入如缺前堂住持別日上堂白衆請轉前板插  
單唱食其坐禪坐參只衆寮前第三下板卽入堂不  
必鳴首座寮前板餘行事悉與前堂同

書記 卽古規之書狀也職掌文翰凡山門榜疏書  
問祈禱詞語悉屬之蓋古之名宿多奉朝廷徵召及

名山大刹凡奉

聖吉勅黃住持者卽具謝表示寂有遺表或所賜所問俱奉表進而住持專柄大法無事文字取元戎幕府署記室參軍之名於禪林特請書紀以職之猶存書狀列於侍者使司方文私下書問曰內記云而各之著者自黃龍南公始又東山演祖以是職命佛眼遠公欲以名激之使兼通外典助其法海波瀾而先大慧亦嘗充之凡居斯職者宜以三大老爲則可也知藏 職掌經藏兼通義學凡看經者初入經堂先白堂主同到藏司相看送歸按位對觸禮一拜此古規也今各僧看經多就衆寮而藏殿無設几案者然充其名當盡其職函帙目錄常加點對缺者補完蒸潤者焙拭殘斷者粘綴若大衆披閱則藏主置簿照堂司所排經單列名逐函交付看畢照簿交收入藏庶無散失推原吾宗旣曰敎外別傳猶命僧專司其藏者何也以佛之所言所行爲敎律而僧有不遵佛之言行乎特吾之所證所得不溺於文字而超乎言行之表以見夫自性之妙焉又祖之意欲吾徒徧探諸部與外之百氏期以折衝外侮應變無窮所謂不卽不離者是也後以衆多列東西藏

知客 職典賓客凡官員檀越尊宿諸方名德之士相過者香茶迎待隨令行者通報方丈然後引上相見仍照管安下去處如以次人客只就客司相欵或欲詣方丈庫司諸寮相訪令行者引往其且過寮床帳什物燈油柴炭常令齊整新到須加溫存維邢在假則攝其行事僧堂前檢點行益客僧粥飯遇亡僧同侍者把帳暫到死主其喪雪賣在大陽禪月在石霜皆典此職毋忽

知浴 凡遇開浴齋前掛開浴牌寒月五日一浴暑天每日淋汗鋪設浴室掛手巾出面盆施鞋腳布參

頭差行者直浴齋籠浴頭覆維邢首座住持畢鳴鼓三下浴聖桶內皆着少湯燒香禮拜想請聖浴次第巡廊鳴板三下徧鳴鼓第一通僧衆入浴第二通末頭首入浴第三通行者入浴此時住持方入以屏風遮隔而浴第四通人力入浴監作行者知事居末浴就彈壓之併點視令息龕中火及炭煤水洒乾淨有餘柴搬於遠處其入浴資次當刊揭浴室外今時謂住持殿頭首後浴知事殿行者後浴非也如住持有故欲同解衣先浴則不用設屏障不入小閣內只頭首板頭爲節如施主設浴則課經回向能妙觸宣明成佛子住

則功不浪施矣

知殿掌諸殿堂香燈時時拂拭塵埃嚴潔几案或遇風起須息爐內香火及結起旛腳防頑使勿近燈燭施主香錢不得互用佛誕日浴佛煎湯供大衆四齋日開殿門以便往來瞻禮

侍者燒香書狀請客侍者之職最爲近密觀道德於前後聽教誨於朝夕親炙參扣期法道底于大成而禮節常宜恭謹慶喜之侍瞿曇香林之侍雲門佛祖重寄其可忽諸

凡住持上堂小參普說開室念誦放參節臘特鳥通

覆相看掛搭燒香行禮記錄法語燒香侍者職之凡住持往往複書問製作文字先具草呈如闕書記山門一應文翰書狀侍者職之凡住持應接賓客管待尊宿節臘特爲具狀行禮請客侍者職之或維那知客俱不赴衆或在假其行事三侍者皆當攝之云書狀不當于涉餘事無據若住持久出則歸衆行立暫出則不離班位

衣鉢侍者班不立先輩多以叢林老成之士爲之蓋能納忠救過羅致人才內外庶事通變圓融庶幾上下雍肅如密巷有如侍者而得松源世其家東叟得昇

首座而家法益嚴今諸方往往任後生晚輩甚致敗德悞事可不慎歟

湯藥侍者立班朝暮供奉方丈湯藥左右應接佐助衣鉢侍者撫恤近事行僕或暫缺侍者客至通覆燒香或缺人回向皆宜攝行須擇年壯謹愿者充之

聖僧侍者行道堂外粥鉢在衆後貴有道心齋粥二時上供鳴下堂椎朝夕交點被位中夜剔燈同維那交收亡僧唱衣錢住持遷化把帳頭首秉拂則爲燒香或代鳴椎念佛職滿在本山當預侍者名退耕斷橋二老在衆時常充此職以能結衆緣而勵志于道也

東序知事

都監寺 古規惟設監院後因寺廣衆多添都寺以總庶務早暮勤事香火應接官員施主會計簿書出納錢穀常令歲計有餘尊主愛衆凡事必會議票住持方行訓誨行僕不妄鞭捶設當懲戒擅罰亦須票議量情示警毋縱威暴激變起訟差設莊庫職務必須公平母用私黨致怨上下昔叢林盛時多請西堂首座書記以充此職而都監寺亦充首座書記否則必臘高歷事廉能公謹素爲衆服者充之旣無取於公而道福殊勝上下美留雖連年不易或數請再充

又何傷焉故所在單寮勤舊不滿五六人副寺以下  
非歷三次不歸前資監寺非三次不歸蒙堂都寺非  
三次不得居單寮再請出充者公眾封鑰元房以避  
嫌疑齋粥二時必赴堂則行儻行益自然整肅如楊  
岐之輔慈明石窓之輔宏智可爲法則

僧史曰知事三綱者若網罟之巨繩提之則百目  
正矣梵語摩摩帝此云寺主卽今之監寺也又大  
集經云僧物難掌我聽二種入掌三寶物一阿羅  
漢二須陀洹更復二種一能持淨戒識知業報者  
二喪後世罪有諸慙愧者

維那 綱維衆僧曲盡調攝堂僧掛搭辨度牒真僞  
衆有爭競遺失爲辨析和會戒臘資次床脣圖帳凡  
僧事內外無不掌之舉唱回向以聲音爲佛事病僧  
亡僧尤當究心每日二時赴堂堂前鐘鳴離位入堂  
聖僧前左手上香退兩步半問訊合掌而入推邊立  
先看逐日回看神示各位鍾鼓絕鳴椎一下衆展鉢  
已再鳴椎一下合掌默回向當日神示左手按砧舉  
云仰撫大衆念清淨法身毘盧遮那佛圓滿報身十號云云右手鳴椎高不過五  
寸聲絕方下椎急緩合度俟首座唱食至第三句將  
畢轉身退至立僧板頭立俟行食徧進前鳴椎一下

合掌至聖僧前問訊出堂歸鉢位若施主齋僧行覲  
徧食惟後從聖僧後轉左邊朝首座問訊復鳴惟一  
下而出爲請施財也或有他緣或暫假出入將戒臘

簿假簿堂司須知簿親送過客司令攝之

寄歸傳云維那華梵兼舉也維是綱維華言也那  
是梵語羯磨陀那刪去三字從略此云悅衆也又  
十誦律云以僧房中無人知時打捷巨寒椎音又  
無人塗治掃洒講堂食處無人相續鋪床衆亂時  
無人彈壓等佛令立維那又聲論翻爲次第謂知  
會事之次第也

副寺 古規曰庫頭今諸寺稱櫃頭北方稱財帛其  
實皆此一職蓋副貳都監寺分勞也掌常住金穀錢  
帛米麥出入隨時上曆收管支用令庫子每日具收  
支若干僉定飛單呈方丈謂之日單或十日一次結  
筭謂之旬單一月一結一年通結有無見管謂之日  
黃總簿外有米麪五味各簿皆當考筭凡常住財物  
雖毫不並是十方衆僧有分如非寺門外護官員櫃  
越賓客迎送慶吊合行人事並不可假名支破侵漁  
其上下庫子須擇有心力能書筭守已廉謹者爲之  
病僧合用供給之物卽時應付如倉庫疎漏雀鼠侵

耗米麥蒸潤一切物色頓放守護有不如法者並須及時照管處置

典座 職掌大衆齋粥一切供養務在精潔物料調和檢束局務護惜常住不得暴殄訓衆行者循守規矩行益普請不得怠慢撫恤園夫栽種及時均俵同利二時就厨下粥飯食不異衆粥飯上桶先望僧堂焚香設拜然後發過堂

直歲 職掌一切作務凡殿堂寮舍之損漏者常加整葺動用什物常閱其數役作人力稽其工程黜其游惰母縱浮食蠹財害公田園莊舍碾磨碓坊頭足舟車火燭盜賊巡護防警差撥使令賞罰惟當並宜公勤勞逸必均如大修造則添人同掌之

列職雜務

寮元 掌衆寮之經文什物茶湯柴炭請給供需洒掃浣濯淨髮梳巾之類每日粥罷令茶頭行者門外候衆至鳴板三下大衆歸寮寮長分手寮主副寮對面左右位副寮出燒香歸位茶頭喝云不審大衆和南遇旦望點湯鳴板集衆燒香行湯如常禮寮主副寮

凡安衆處寮元照戒次自下而上請充之寫定名字預貼牌上十日一替佐寮元辦事旦暮僧衆歸堂

巡視經案或有遺忘什物者眼同收拾付還及交點本察什物提調香燈茶湯毋容外人止宿及寄賣物件猶預定望寮一名使以次挨補副寮若寮主遇滿從維那請交代副寮遇滿從寮元請交代延壽堂主看視病僧湯藥油燭炭火粥食五味常備供須公界倘缺若自己豐裕結緣應付或勸化施主措辦床席衣被狠籍穢污爲其洗浣母生憎嫌入福田中直病爲第一也

淨頭 掃地裝香換籌洗廁燒湯添水須是及時稍有狠籍隨卽淨治手巾淨桶點檢添摸凡供此職皆

是自發道心將交替時堂司預出小榜云下次淨頭  
次人如有  
結緣請  
留芳名願結緣者收榜白堂司然後覆住持請充之化主 凡安衆處常住租人有限必籍化主勸化檀越隨力施與添助供衆其或恒產足用不必多往干求取厭也

園主 不憚勤苦以身率先栽種菜蔬及時灌溉供給堂厨母使缺乏

磨王 兼主碓坊米麪供衆極有關系須擇有道心人諳曉春磨等事者充之

水頭 五更燒湯供大衆類盥手巾面盆燈燭牙藥

母令缺少冬月烘焙手巾須早起鋪排勿致臨時動衆念

炭頭 預備柴炭以禦寒事或化施主或出公界須

令足用

莊王 視田界至修理莊舍提督農務撫安莊佃此少事故隨時消弭事關大體申寺定奪近時叢林凋弊百出而莊中尤甚略舉其三諸方通害初爭莊職安能偏及構怨住持上下不睦一也一充其職離寺相遠靡所不爲致爭起訟供衆錢糧盡皆耗費復積逋負以累于後因而紀綱不振莊佃生侮租課不還

其弊一也縱使老成能事克之而州縣應酬吏胥管幹鄉都職役鄰里富豪皆合追陪既啟其端稍有不及便生釁隙雖不明支而巧立除破公私無益故莊中之費或半於寺其弊三也只如大家業產巨富不聞分遣子弟徧居莊所蓋耕種有佃提督則有甲幹收租之時自有監收僧行此外縱有輸納修圩依糧等項只臨時分委勤舊知事限期使辦事畢旋歸非唯省費有補常住而消禍未萌公私攸濟今諸方之廢如逃亡家住持勤舊能恤念寺門欲撙費救弊汰除濫冗請自此始其初例有當重難而應允莊職者

別議酬補之

古規初無莊主監收近代方立此名此  
名一立其弊百出爲住持私任匪人者有之因利曲  
徇者有之爲勤舊執事人連年佔充者有之托勢求  
充者有之樹黨分充者有之角力爭充者有之蠹公  
害私不可枚舉雖欲匡救未如之何倘得廉正勤舊  
輔佐住持公選區用或對衆闡括之充充此職者當  
克已爲念奉衆爲心母竚取佃戶母虧損常住則自  
他俱利矣

請立僧首座

其事嚴重不可輕舉如大方西堂名德首座行解素  
爲衆所推服者委曲陳情如有允意特爲上堂言此  
間多衆宜得當人相與建立法幢開大爐鞴山中幸  
有某人知見高明慧命所寄少刻下座同兩序大衆  
拜請爲衆開室伏望慈悲特垂開允下座方丈行者  
以拌祿盛入室普說一牌卽於座下同大衆拜請詞  
云伏大衆傾心久思示誨受請人隨詣方丈炷香觸禮  
拜謝詞云某甲幸獲依棲貴圖藏答云佛法寄重  
已堂司行者鳴僧堂鐘大衆同送歸寮住持對觸禮  
一拜送出次與大衆問訊維那請寮議請侍者一人

掛普說牌預鋪設照堂禪椅拂子主丈爐燭鳴鼓二  
通衆集立定立僧歸位維那出班燒香同大衆再下  
拜伸請立僧趺座兩序問訊住持問訊立僧普說竟  
維那同大衆再下拜伸謝立僧卽懷香詣方丈致謝  
兩展三禮詞云既蒙使令勉顏承當仍往庫司諸寮  
舍問訊方丈備草飯請特爲湯藥石至晚湯果兩序  
光伴立僧侍者預席次日住持請僧堂特爲茶請客  
侍者具茶湯後見詣寮插香拜請禮與特爲新首座  
同立僧當特爲首座大衆茶與前堂特爲後堂大衆  
禮同別日方丈管待請兩序光伴

請名德首座

住持須預稟露如有允意方丈先請茶兩序光伴卽  
鳴鼓陞座更不報衆住持委曲致懇下座與大衆同  
伸拜請鳴鐘送歸寮茶湯管待禮與前同進退不混  
兩序無交代也

榜式

堂頭和尚今晨齊退就雲堂點茶特爲新命  
首座聊旌陳賀之儀仍請

諸知事

大衆同垂

光伴

今月

日侍司

某敬白

兩序進退

頭首務擇才德相當者爲之而近之庸流責以飲食  
延接爲事使守貧抱道之士愈甘退歲叢林何由歆

艷住持當革其弊可也知事古規只列監院維那典  
座直歲庫頭五員而已職滿鳴椎白衆告退歸堂隨  
衆初無單寮楊位故叢林鼎盛近來諸方大小勤舊  
動至百數僕役倍之而僧堂間無一人奉定間脫歡  
丞相領行宣政院分上中下三等寺院額定歲請知  
事員數正爲此也宜遵行之凡職事將滿預詣方丈  
稟退如擇進退日定住持令行者報兩序知當晚昏  
鍾鳴舊知事一班詣方丈持香告稟觸禮一拜納庫  
記鑰匙而退就中或有再留者住持隨送到庫司侍  
者燒香點湯勉留次早五更鍾鳴頭首一班懷香詣  
方丈觸禮一拜告退或有留者亦同前禮點湯留之  
住持以擇定人名目子并西堂勤舊今客頭行者請  
粥罷會茶其舊知事一班候僧堂行粥徧從後門入  
上首鳴椎一下云自大衆其等昨蒙堂頭和尚慈旨  
令歸庫司今來心力疲倦告退歸堂隨衆  
謹白再鳴椎一下從聖僧左出住持前兩展三禮  
初展云才下情無任懼悚之至再展叙寒溫畢觸禮  
三拜退身從聖僧右出聖僧前大展三拜轉身從首  
座板起巡堂一匝中間問訊而退粥罷行者字請新  
人至寢堂獻茶畢住持躬起燒香一炷歸位白云前  
序告退此務不可缺人拜請某人充  
知事某人充頭首逐一標各白訖住持出就爐前

立侍者揖請新人至住持前對觸禮一拜新知事同進前兩展三禮初展云某等乍入叢林諸事生疎過再展云卽日時令謹請恭惟堂觸禮三拜住持答一

頭和尚

尊候

起居

多福

觸禮

三拜

住持答一

規揖

湯

咸淳

規揖

湯

規揖

湯

規揖

拜新頭首進前兩展三禮致詞同前轉位獻湯咸淳坐揖香揖湯至今諸方行之或謂當晚有特爲此可免講不講在往持意送前堂首座以次頭首隨歸鉢位各觸禮一拜次送後堂對觸禮一拜新知事一班預立於西堂板頭住持歸位維那往住持前問訊側立如維那已退則知客侍者代行禮住持付口子與之當面問訊從聖僧後轉鳴椎一下

云

和尚慈

請其人某職

允某職

謹白

復

鳴椎

致詞並

前同

知事

轉

聖僧

後右出

聖僧

前排立

大展三

拜

維那

引巡堂

一匝歸中間

訊橫退過

西堂板頭立

堂司

行者

喝云

大衆禮

新知事

禮

普

同觸禮

一拜畢

又喝云

大衆送新知

事歸庫司

供

頭行者

鳴僧堂鍾住持

送入對觸禮

一拜送

舊人出侍者先

與舊人交代互轉身對觸禮一拜送舊人出侍者先

賀次頭首領衆賀舉行者喝云

大衆送新知

事歸庫司

再鳴鍾送

賀畢喝云

大衆送新維那歸堂司

又鳴鍾送賀畢逐一喝云

兩班

勤舊送新後堂首座書記藏王知客歸奈送賀交代禮並同前又各喝云

大衆送舊首座都寺歸奈亦鳴鍾送賀畢各喝云

兩班勤舊送以次舊頭首知事

前資歸蒙堂禮亦如前送住持出寮主先相接交互轉身

對觸禮一拜不送出然後受賀俱畢新舊人各懷香卽詣方丈拜謝新人香係庫司備謝畢新舊人同巡寮方丈請半齋點心齋時草飯仍請西堂勤舊光伴列職雜務待請兩序了別日詣堂司告退次第擇人交替

掛鉢時請知事

有處住持不先和會默擇人定預分付堂司行者於僧堂早粥罷掛鉢時喝云

大衆少立請新知事維那入聖僧前

燒香巡堂一匝至住持前問訊側立住持付所請人

名目子接訖當面問訊從聖僧後轉鳴椎一下云

白大衆適奉堂頭和尚慈旨請其人充其知事

逐一白訖侍者揖請新人至住持前受職與前禮同曰方丈會茶請頭首禮並同前

侍者進退

請兩序畢舊侍者隨住持上方丈答稟云

其等久侍和尚今欲

告退隨衆辨道伏望慈悲插香大展三拜而退住持批下堂司請新侍者維那令行者照批請仍請寮元勸請同就堂

司茶揖入燒香點茶畢起身再燒香入云

適奉堂頭和尚慈吉

令請某甲上座充某侍者逐一白訖揖受請人進前普觸禮一拜

轉位維那行禮揖坐揖香歸位坐獻湯畢引上方丈

住持出維那進前票云

適奉慈旨令請某人充某侍者今引炷香禮拜

住持

據坐新侍者插香大展三拜畢維那送歸寮對觸禮

一拜侍者送出却與舊人交代頭首禮同

咸淳規載亦有住持

自送侍者歸寮侍者當觸禮一拜送出至大規載若名德之士住持躬送入寮對觸禮一拜維那攸賀而已勿視

方丈行者直廳轎番拜賀堂司行者引新舊

侍者同巡寮畢新侍者再上方丈炷香拜謝舊侍者

早晚伺同新侍者方丈問訊三日後住持批下堂司

寮舍交割什物

送歸衆寮與維那交互對觸禮一拜送維那出次與寮元問訊畢仍上方丈炷香拜謝聖僧侍者係維那擇人和會充職後引上方丈禮拜隨例茶湯點心管待

寮舍什物常住置辦不易往往職事人視為傳舍臨進退時鄉人各自搬移蕩然一空使新入寮者茫無所措未免具數到庫司需索不至因此上下唇吻不安設若應副重費常住庫司當置總簿具寫諸寮什物住知知事僉定仍分置小簿付諸寮兩相對同新

舊相公交割損者公界修補缺者本寮陪償將進退  
數日前副寺帶行者賚簿到各寮預先點對分曉責  
在本寮人僕母得走失違者陪償或有增添數日隨  
卽同附簿庶可稽考也

方丈特爲新舊兩序湯

請客侍者令客頭行者備柈袱爐燭詣新舊前堂首  
座處炷香觸禮一拜稟云堂頭和尚請參前同次新舊  
都寺前炷香無拜詞語同前以次新舊兩序令客頭  
請并請勤舊光伴釘掛寢堂鋪設坐位光伴分手新  
頭首一出新知事二出舊頭首出舊知事四出餘勤

舊預光伴者列主伴兩邊西序居左東序居右燒香  
侍者預排照牌至時鳴鼓客集同請客侍者行禮小  
湯禮同至晚湯果次日粥罷請新舊人茶庫司亦請茶  
然不及赴赴方丈茶罷却徃致謝半齋庫司點心仍  
提調送舊人粥飯三日

堂司特爲新舊侍者茶湯

草飯罷維那令堂司行者請新舊侍者并聖僧侍者  
參前就寮獻湯堂司設位排照牌請寮元光伴鳴寮  
前板接入揖坐禮與庫同當在方丈特爲湯之先庶不  
相妨行禮候方丈特爲新首座茶罷則堂司亦請新

舊待者特爲茶次日當專致謝

庫司特爲新舊兩序湯藥石

草飯罷令客頭行者備盤袱爐燭上首知事詣新舊首座舊都寺處炷香詞云今晚方丈湯罷就庫司客頭隨後請云湯罷就坐藥石及請新舊大小職事仍請西堂

勤舊光伴設位排照牌位分四出新頭首一出舊頭首二出舊知事二出莊庫四出新知事亦依班排位獨維那就座光伴勤舊如方丈排位候方丈湯罷庫司鳴板各依照牌立定都寺巡座揖坐畢燒香揖香依坐位出頭巡問訊歸中燒光柱香歸位坐進湯湯

罷起身出詣爐前謝湯畢抽衣就坐藥石

堂司送舊首座都寺鉢位

維那於兩序進退三日後未開靜時分付堂司行者引人力排燈請舊首座都寺就堂司獻湯維那接入炷香婢湯畢白云清職既滿山門禮合延送鉢位引至僧堂從後門入先送首座次送都寺歸各板頭各觸禮一拜當日掛鉢赴堂

方丈管待新舊兩序

住持特爲上堂一一標名敘謝畢新舊人就座下拜謝請客侍者令客頭行者備柈袱爐燭香合詣新舊

首座都寺前炷香陳請云方丈和尚午刻客頭請以  
請就寢堂管待次新舊人并勤舊光伴寢堂設位排照牌客集報住持出接各入座依照牌立定燒香侍者與請客侍者巡揖坐畢燒香進卓侍者一班列住持前問訊入位行湯下食畢至行飯時燒香侍者離位燒香下覲飯畢退卓鳴鼓講茶禮與特爲湯禮同鳴鼓三下退座新舊人兩展三禮拜謝

方丈特爲新首座茶

管待了次早燒香侍者覆住持令客頭行者備伴祇爐燭香合請客侍者寫茶榜式見前名德首座同詣首座寮姓

香觸禮一拜稟云堂頭和尚齋退就雲堂  
特爲點茶伏望降重客頭報衆

掛點茶牌仍請知事大衆光伴排照牌侍者行禮與  
四節特爲禮同惟四板頭禮畢先收首座住持盞首

座直趨住持前行禮初展云此日勤下情不勝媿感之至再展敘寒溫畢觸禮三拜首座從聖僧後右出堂前住持相送復位執盞侍者燒光伴香畢收盞鳴鼓三下退座首座仍於法堂下問候住持謝茶

新首座特爲後堂大衆茶

無後堂則以次頭首

方丈特爲茶了次新首座懷香詣方丈拜請云齋堂點茶伏望慈悲隆重  
特爲後堂首座大衆就雲具狀式見後備盤祇爐燭請

後堂首座寮炷香拜請云今晨齊退就雲堂點茶特爲伏望隆重並呈納

狀訖特爲人令本寮茶頭遞付供頭貼僧堂前下間封皮粘狀前次令堂司行者報衆掛點茶牌長板鳴

僧堂內巡請茶

鳴鼓集衆行禮並與常特爲禮同

前堂首座比在某其右某今晨齊退就

後堂首座太衆仍請

狀

雲堂點茶一鍾特爲諸

今月日具位

某

狀請

式

可漏子狀請

後堂首堂大衆

具位某謹制

住持垂訪頭首點茶

茶湯禮畢住持齋罷往諸頭首寮點茶從容溫存點

檢缺乏隨令庫司措辦

兩序交代茶

伺方丈特爲新首座茶畢次第新職事具威儀懷香

躬請各受代人處挿香對觸禮一拜請云

齊退拜品

西序請茶則知事分手坐於同列頭首中請肩下人光伴如肩上人赴坐位相妨東序請茶則頭

首分手坐如維那位居東序請茶時肩下副寺一人赴

寮中向內設特爲位主

席分手位左右光伴人位齊退鳴寮前板接受特爲

人次接光伴人入位揖坐燒香揖香燒光伴香入座

下茶茶畢受代人起將元請香挿爐中觸禮拜謝而

退次日今堂司行者請交代點心名勝一人光伴前

堂首座則請西堂勤舊各一人光伴若庫司一班請西堂勤舊頭首光伴庫司釘掛向裏設特爲位左右排光伴位頭首與主席分手同序隨班位次日點心坐位同前西序止於知客東序止於維那凡侍者交代茶與點心當請維那光伴設位行禮皆同近時點心因而請客請鄉曲非禮也

入寮出寮茶

入蒙堂者白寮主掛點茶牌牌左小紙貼云

某拜請合寮尊

衆齊退就上寮齊罷備香燭普同問訊揖寮主居主位點茶

合賓位略坐起身燒香問訊復坐點茶收盞寮主

起爐前相謝自蒙堂出充頭首者點交茶畢別

日令茶頭報寮主掛點茶牌齊退鳴寮中小板點茶

人門外右立揖衆入爐前問訊寮主主位點茶人分

手位略坐起身燒香問訊復坐獻茶了寮主與衆起

身爐前致謝送點茶人出自衆寮出充頭首者令

茶頭預報寮主掛點茶牌齊退鳴板先到衆寮門外

右立揖衆入位立定問訊揖坐進中間上下問燒香

復中間上下問訊仍中央問訊寮元揖點茶人對

面值坐行茶畢寮元出爐前致謝送出入衆寮者

點茶禮與出

茶同

但寮元寮長分賓主位自不可入位坐

頭首就僧堂點茶

伺點出寮茶畢具茶榜

式見後

令茶頭貼僧堂前下間

具威儀請方丈請茶諸寮掛點茶牌報請預令供頭

燒湯出蓋庫司備茶燭齋畢就坐點茶頭首入堂炷

香行茶

與且望禮同

榜

某寮舍湫隘不敢坐邀今晨齋退就雲堂  
點茶一中伏望衆慈同垂降重

日具位其拜請

式

本山辦事禪師

江湖名勝禪師

鄉曲道舊禪師

合掌尊衆禪師

兩序出班上香

凡出班上香行香鳴鉸維那出爐前向外偏立揖住

持上香

侍者捧合

次揖兩序相朝而出轉身問訊住持

謂謂之

借香

然後上香

若聖節佛祖嗣法

師忌無借香問訊

有立班西堂當先上香或謂首座已出世當先上香者非蓋必與都寺同出班故也

西序章終

大衆章七

歸虛之水鄧林之木以聚者衆也今夫大方居衆千百倒廩而炊赭山而爨亦其所聚也而四方之來如歸若已所固有者果何爲哉蓋佛以人之流轉三界出沒生死惟明道悟性以超于妙覺則羣生異類咸資其善而訓其徒以肖已爲然故人人待其徒猶待

其師雖摩肩接踵而至惟恐奉之不及不以其衆而  
少怠也不然則有以尺地斗粟而相訟者多矣豈其  
獨愚甘委其貨以廣吾居輒其殼以食吾徒吾徒之  
食于斯居于斯果何爲哉果何爲哉

勅修百丈清規卷第四終

音釋

黼方宇切白與黑相雜也

黻

方物切黑與青相次

頽

荒佩切

飧

肴孫又

飧

澆飯也

7  
廿五